



同治徐州府志

ル 5  
1569  
#6/2



凡 5  
1.569  
12

同治徐州府志卷第二十二上之上

人物傳

徐州阻山帶河近接鄒魯漢初攀附景從干城禦侮雲屬颺舉者大抵不踰里閭而武宣之世通經習禮之彥又以出於楚沛者爲最多東京以降沿及六代唐宋以迄於今材武魁傑踵相接而爲吏而能廉靜愛民與夫閨門之內操行獨摯者亦史不絕書焉蓋其山川盤礴鬱積之所鍾毓彬彬乎非他都邑所能比矣孔子曰十室之邑必有忠信孟子曰所謂故國者非謂有喬木之謂也然則在位君子以篤俗訓民爲責者苟非取則往哲勵志名行將曷所假乎哉作人物傳

漢蕭何沛豐人以文無害爲沛主吏掾高祖爲布衣時數以吏



事護高祖高祖爲亭長常左右之高祖起爲沛公何爲丞督事沛公至咸陽諸將皆爭走金帛財物之府分之何獨先入收秦律令圖書藏之沛公以是具知天下阨塞戶口多少彊弱之處沛公爲漢王以何爲丞相何進言韓信漢王以爲大將軍漢王引兵東定三秦何畱收巴蜀鎮撫諭告使給軍食漢二年漢王與諸侯擊楚何守關中爲法令約束立宗廟社稷宮室縣邑計戶口轉漕給軍漢王數失軍何嘗與關中卒輒補缺以此專屬任何關中事五年漢王卽皇帝位以何功最盛封鄼侯位第一拜爲相國高祖崩事惠帝何素不與曹參相能及何病帝自臨視何疾因問君百歲後誰可代者對曰知臣莫如主帝曰曹參何如何頓首曰帝得之矣臣死不恨矣何買田宅必居窮僻處

爲家不治垣屋曰令後世賢師吾儉不賢母爲勢家所奪孝惠二年薨諡曰文終侯史記蕭相國世家班固鄼侯蕭何絕軌孰相國宏策不追御國維綱秉統樞機文昌四友漢有蕭何序功第一受封於鄼

曹參沛人也秦時爲沛獄掾高祖起沛公參以中涓從以功賜爵七大夫遷五大夫楚懷王以沛公爲碭郡長將碭郡兵於是乃封參爲執帛號曰建成君遷爲戚公屬碭郡又遷爲執珪沛公至咸陽滅秦項羽以沛公爲漢王漢王封參爲建成侯從至漢中遷爲將軍從還定三秦參自漢中爲將軍中尉從擊諸侯及項羽敗還至滎陽凡二歲高祖三年拜爲假左丞相入屯兵關中月餘魏王豹反以假左丞相別與韓信東攻魏生得魏王豹取平陽得魏王母妻子盡定魏地凡五十二城賜食邑平陽

韓信已破趙爲相國東擊齊參以右丞相屬韓信攻破齊歷下軍定齊凡得七十餘縣韓信爲齊王引兵詣陳與漢王共破項羽而參留平齊未服者項籍已死天下定漢王爲皇帝韓信徙爲楚王齊爲郡參歸漢相印高帝以長子肥爲齊王而以參爲齊相國以高祖六年賜爵列侯與諸侯剖符世世勿絕食邑平陽號曰平陽侯孝惠帝元年更以參爲齊丞相厚幣請膠西蓋公蓋公爲言治道貴清靜而民自定參於是用黃老術相齊九年齊國安集大稱賢相惠帝二年蕭何卒參聞之告舍人趣治行吾將入相居無何使者果召參參去屬其後相曰以齊獄市爲寄慎勿擾也後相曰治無大於此者乎參曰不然夫獄市者所以并容也今君擾之姦人安所容也吾是以先之參代何爲

漢相國舉事無所變更一遵蕭何約束擇郡國吏木訥於文辭

重厚長者卽召除爲丞相史吏之言文刻深欲務聲名者輒斥

去之日夜飲醕酒參見人之有細過專掩匿覆蓋之府中無事

參爲漢相國出入三年卒謚懿侯子窋代侯百姓歌之曰蕭何

爲法顛若畫一曹參代之守而勿失載其清淨民以甯一史記曹相

國世家班固平陽侯曹參銘蹇蹇相國允忠克誠臨危處險安而匡傾興代之際濟主立名身履國土秉御乾楨

王陵沛人始爲縣豪高祖微時兄事陵及高祖起沛入咸陽陵

亦聚黨數千人居南陽及漢王還擊項籍陵乃以兵屬漢從定

天下封安國侯陵少文任氣好直言爲右丞相二歲惠帝崩高

后欲立諸呂爲王問陵陵曰高皇帝刑白馬而盟曰非劉氏而

王者天下共擊之今王呂氏非約也太后不悅問左丞相陳平

人物傳

同治余刊子志卷第二十三

及絳侯周勃等皆曰可陵讓平勃曰諸君縱欲阿意背約何面  
目見高帝於地下乎呂后陽遷陵為帝太傅實奪之相權陵謝  
病免杜門不朝請十年而薨

漢書本傳班固安國侯王陵銘明  
明丞相天賦庭直剛德正行不枉  
不曲功業茂著榮顯食  
邑距呂奉主昭然不惑

樊噲沛人以屠狗為事初從高祖起豐攻下沛高祖為沛公噲  
以舍人從攻戰每先登卻敵賜爵封號賢成君沛公與項羽會  
鴻門羽既饗軍士中酒亞父令項莊拔劍舞欲擊沛公噲在營  
外聞事急乃持鐵盾撞入立帳下譙讓羽既出步從沛公從間  
道歸走霸上軍是日微噲犇入營沛公幾殆從入漢中還定三  
秦項羽敗漢王於彭城噲以將軍守廣武一歲漢王為帝以噲  
有功封舞陽侯噲以呂后女弟呂嬃為婦故其比諸將最親

布反時高祖嘗病臥禁中詔戶者毋得入羣臣絳灌等莫敢入  
十餘日噲乃排闥直入大臣隨之上獨枕一宦者臥噲等見上  
流涕曰始陛下與臣等起豐沛定天下何其壯也今天下已定  
又何憊也且陛下病甚大臣震恐不見臣等計事顧獨與一宦  
者絕乎且陛下獨不見趙高之事乎高帝笑而起孝惠六年薨

諡曰武

漢書本傳班固舞陽侯樊噲銘  
賦將軍威蓋不當操  
盾干鈞拔主項堂與漢破楚矯矯忠良卒為丞相帝室

康以

夏侯嬰沛人為沛廐司御高祖為沛公以嬰為太僕常奉車賜  
爵封轉為滕令沛公為漢王賜爵號昭平侯復為太僕從入蜀  
漢還定三秦從擊項籍至彭城項羽大破漢軍漢王不利馳去  
見孝惠魯元載之漢王急馬罷虜在後踐兩兒棄之嬰常收載

人物傳

行面雍樹馳漢王怒欲斬嬰者十餘卒得脫而致孝惠曾元於  
豐賜食邑沂陽漢王即帝位更食汝陰從擊韓信軍胡騎晉陽  
旁大破之追北至平城為胡所圍七日不得通高帝使厚遺閼  
氏冒頓開其圍一角高帝出欲馳嬰故徐行弩皆持滿外鄉卒  
以得脫益食細陽千戶定食汝陰嬰自上初起沛常為太僕從  
又以太僕事惠帝及高后代王之來嬰以太僕與東牟侯入清  
宮以天子法駕迎代王代邸與大臣共立文帝復為太僕八歲  
卒諡文侯漢書本傳班固汝陰侯夏侯嬰銘祗將軍鷹武是  
揚內康王室外鎮四方諸夏又艾流及要荒聲馳海  
內苗嗣  
紀功  
周昌沛人其從兄苛秦時皆為泗水卒史及高祖起沛擊破泗  
水守監於是苛昌自卒史從沛公沛公以昌為職志從入關沛

公為漢王以昌為中尉項羽烹苛漢王於是拜昌為御史大夫  
從破項羽封汾陰侯昌為人彊力敢直言自蕭曹等皆卑下之  
高祖欲廢太子而立戚姬子如意昌廷爭之強上問其說昌為  
人吃又盛怒曰臣口不能言然臣心知其不可陛下欲廢太子  
臣期期不奉詔後如意為趙王年十歲高祖徙昌為趙相帝崩  
太后召王昌令王稱疾不行乃徵昌復召王媯殺之昌薨諡曰  
悼漢書本傳班固汾陰侯周昌銘肅肅御史以武以文相趙  
距呂志安君身徵諸行所如意不全天秩邑土勛乃永存  
周勃沛人其先卷人徙沛勃以織薄曲為生常為人吹簫給喪  
事材官引彊高祖之為沛公初起勃以中涓從攻戰先登賜爵  
五大夫沛公為碭郡長拜勃為襄賁令從沛公至咸陽滅秦沛  
公為漢王賜勃爵威武侯從入漢中拜為將軍還定三秦賜食

入勿專

邑懷德項籍已死因東定楚地還守雒陽櫟陽賜與潁陽侯共  
食鍾離又賜爵列侯剖符世世勿絕食絳號絳侯遷為太尉擊  
陳豨定雁門雲中郡斬豨定代郡燕王盧綰反勃以相國代樊  
噲將擊破綰軍沮陽追至長城定上谷右北平遼西遼東漁陽  
最勃為人木彊敦厚高帝以為可屬大事勃不好文學每召諸  
生說士東鄉坐而責之趣為我語其椎少文如此高祖崩以列  
侯事孝惠帝孝惠帝六年以勃為太尉十歲高后崩呂祿呂產  
秉漢權欲危劉氏勃為太尉不得入軍門陳平為丞相不得任  
事於是勃與平謀卒誅諸呂而立孝文皇帝文帝既立以勃為  
右丞相居月餘謝請歸相印上許之歲餘丞相平卒上復以勃  
為丞相十餘月免相就國歲餘人有上書告勃欲反下廷尉廷

尉下其事長安逮捕勃治之勃恐不知置辭吏稍侵辱之勃以  
千金與獄吏獄吏乃書牘背示之曰以公主為證公主者孝文  
帝女也勃太子勝之尚之故獄吏教引為證文帝既見絳侯獄  
辭乃謝曰吏事方驗而出之於是使使持節赦絳侯復爵邑絳  
侯出曰吾嘗將百萬軍然安知獄吏之貴乎復就國孝文帝十  
一年卒諡為武侯子勝之代侯坐殺人國除文帝乃擇絳侯勃  
子賢者河內守亞夫封為條侯續絳侯後文帝之後六年匈奴  
大人邊以河內守亞夫為將軍軍細柳以備胡上自勞軍之細  
柳先驅至不得入先驅曰天子且至軍門都尉曰將軍令曰軍  
中聞將軍令不聞天子之詔居無何上至又不得入於是上乃  
使使持節詔將軍吾欲入勞軍亞夫乃傳言開壁門壁門士吏

人物傳

謂從屬車騎曰將軍約軍中不得驅馳於是天子乃按轡徐行至營將軍亞夫持兵揖曰介冑之士不拜請以軍禮見天子為動改容式車使人稱謝皇帝敬勞將軍成禮而去既出軍門羣臣皆驚文帝曰嗟乎此真將軍矣月餘三軍皆罷乃拜亞夫為中尉孝文帝且崩時誡太子曰即有緩急周亞夫真可任將兵文帝崩拜亞夫為車騎將軍孝景三年吳楚反亞夫以中尉為太尉東擊吳楚凡相攻守三月而吳楚破平遷為丞相景帝甚重之景帝廢栗太子丞相固爭之不得景帝由此疏之其後匈奴王徐盧等五人降景帝欲侯之以勸後丞相亞夫曰彼背其主降陛下陛下侯之則何以責人臣不守節者乎景帝曰丞相議不可用乃悉封徐盧等為列侯亞夫因謝病景帝中三年以

病免相條侯子為父買工官尚方甲楯五百被可以葬者取庸苦之不予錢庸知其盜買縣官器怒而上變告子事連汙條侯

召詣廷尉因不食五日嘔血死國除

史記絳侯世家班固絳侯周勃銘懿懿太尉陪厚村

誠補翼受命應節御營歷位卿相二國兼并見危致命社稷以帝

任敖沛人少為獄吏高祖嘗避吏吏繫呂后遇之不謹敖素善

高祖怒擊傷主呂后吏及高祖初起敖以客從為御史守豐二

歲高祖為漢王敖遷為上黨守陳豨反時敖堅守封為廣阿侯

高后時為御史大夫孝文元年薨諡曰懿侯

漢書本傳

周緤沛人以舍人從高祖起沛至霸上西入蜀漢還定三秦常

為參乘賜食邑池陽從東擊項羽滎陽絕甬道從出度平陰遇

韓信軍襄國戰有利不利終無離上心上以緤為信武侯上

人物傳



欲自擊陳豨縹泣曰始秦攻破天下未曾自行今上常自行是  
亾人可使者乎上以為愛我賜入殿門不趨後改封酈城侯孝  
文五年薨諡曰貞

漢書本傳

季布楚人為任俠有名項籍使將兵數窘漢王籍滅高祖購求  
布急布匿濮陽周氏周氏髡鉗布置廣柳車中之魯朱家所賣  
之朱家心知其季布買置田舍廼之雒陽說滕公為上言之上  
乃赦布召見拜郎中孝惠時為中郎將單于嘗為書嫚呂太后  
太后召諸將議之上將軍樊噲曰臣願得十萬眾橫行匈奴中  
布曰樊噲可斬也夫以高帝兵三十餘萬困於平城噲時亦在  
其中今噲奈何以十萬眾橫行匈奴中面諷太后遂不復議擊  
匈奴事孝文時布為河東守人有言其賢召欲以為御史大夫

復有言其勇使酒難近至畱邸一月見罷布進曰臣待罪河東  
陛下無故召臣此人必有以臣欺陛下者今臣至無所受事罷  
去此人必有毀臣者夫陛下以一人譽召臣一人毀去臣恐天  
下有識者聞之有以窺陛下也上默然慙曰河東吾股肱郡故  
特召君耳辨士曹邱生數招權顧金錢事貴人趙談等與竇長  
君善布聞寄書諫長君曰吾聞曹邱生非長者勿與通及曹邱  
生歸欲得書請布竇長君曰季將軍不悅足下足下無往因請  
書遂行使人先發書布果大怒待曹邱曹邱至則揖布曰楚人  
諺曰得黃金百不如得季布一諾足下何以得此聲於梁楚之  
間哉且僕與足下俱楚人使僕游揚足下名於天下顧不美乎  
何足下距僕之深也布乃大悅引入為上客厚送之布名所以

人物傳

同治徐州府志卷第二十三

益聞者曹邱揚之也布弟季心氣蓋關中遇人恭謹為任俠方數千里士爭為死嘗為中司馬中尉邳都不敢加當是時心以勇布以諾並聞關中

漢書本傳

陸賈楚人以客從高祖定天下有口辯居左右常使諸侯時中國初定尉佗平南越因王之高祖使賈賜佗印為南越王賈至佗醜結箕踞見賈賈因說諭之佗廼大說賜賈千金賈卒拜佗為南越王令稱臣奉漢約束歸報拜大中大夫賈時時前說稱詩書高祖罵之曰廼公居馬上得之安事詩書賈曰馬上得之甯可以馬上治乎帝不懌謂賈曰試為我著秦所以失天下吾所以得之者及古成敗之國賈凡著十二篇每奏一篇帝未嘗不稱善稱其書曰新語孝惠時呂太后欲王諸呂賈自度不能

爭之廼病免以好時田地善往家焉諸呂擅權欲危劉氏賈往

說右丞相陳平交驩太尉周勃平用其計及誅諸呂立孝文賈

頗有力孝文即位欲使人之南越乃復以賈為大中大夫往使

尉佗去黃屋稱制令比諸侯皆如意指賈歸竟以壽終

漢書本傳

宋建楚人故嘗為淮南王黥布相有罪去後復事布布欲反時

問建建諫止之布不聽遂反高帝既誅布聞建諫之賜號平原

君徙家長安建為人辨有口刻廉剛直行不苟合義不取容後

為辟陽侯審食其畫策呂太后崩大臣誅諸呂辟陽侯與諸呂

至深卒不誅平原君之力也孝文時淮南厲王殺辟陽侯帝使

吏捕建欲治遂自剄

漢書本傳

韋孟彭城人為楚元王傅傅子夷王及孫王戊戊荒淫不遵道

人物傳

同治徐州府志卷之二

孟作詩風諫後遂去位徙家於鄒復作詩一章孟卒於鄒自孟

至賢五世為鄒魯大儒漢書韋賢傳韋孟諫詩肅肅我祖國

撫甯遐荒總齊羣邦以翼大商迭彼大彭勲績惟光至于有周

歷世會同王報聽潛實絕我邦既絕厥政斯逸賞罰之行

非絲王室庶尹羣后靡扶靡衛五服崩離宗周以墜我祖斯微

遷于彭城在予小子勤厥厥生既此媿秦未邦呂耕悠悠不懷

上天不甯乃眷南顧授漢于京於赫有漢四方是征靡適不懷

萬國攸平乃命厥弟建侯於楚俾我小臣惟烈于後迺及夷王

恭儉靜一惠此黎民納彼輔弼高國漸世垂烈于後迺及夷王

不克奉厥緒不惟履冰以繼祖考邦事是廢逸遊是娛犬馬悠悠

是放是驅務此鳥獸忽此繼祖考邦事是廢逸遊是娛犬馬悠悠

所親匪俊唯囿是妖唯諛是信諭彼顯祖夫諤黃髮如我匪德

曾不是察既藐下臣追欲縱逸穆天子照臨下土明羣我王

漢之睦親曾不夙夜以休令聞穆穆天子照臨下土明羣我王

執憲靡愆正遐由近始其怙茲嗟嗟我王曷不斯思匪明匪羣

嗣其罔則彌彌其逸岌岌其國致永匪霜致墜匪媿惟我王

時靡不練與國牧顯就違悔過追思黃髮秦繆以霸歲月其徂

如其逮於林君子庶顯于後我王

如何曾不斯覽黃髮不近胡不時墜

伍被楚人或言其先伍子胥後也被以材能稱為淮南中郎時

淮南王安好術學招致英雋以百數被為冠首久之淮南王陰

有邪謀被數微諫後王召被欲與計事不從王怒繫被父母囚

之三月復召問被數諫流涕不得已為畫計後事發覺被詣吏

自告卒被誅漢書本傳

嚴延年字次卿下邳人也其父為丞相掾延年少學法律丞相

府歸為郡吏以選除補御史掾舉侍御史是時大將軍霍光廢

昌邑王宣帝初即位延年劾奏光擅廢立亡人臣禮不道奏雖

寢然朝廷肅焉敬憚延年後復劾大司農田延年不實坐闕內

罪人法至死延年亡命會赦出復為御史掾宣帝識之拜平陵

令後為丞相掾擢好時令神爵中西羌反彊弩將軍許延壽請

人物傳

同治後州府志卷第二十三

延年爲長史從軍敗西羌還爲涿郡太守郡大姓西高氏東高氏賓客放縱盜賊發輒入高氏吏不敢追延年至遣掾蠡吾趙繡按高氏得其死罪繡見延年新將心內懼卽爲兩劾欲先白其輕者觀延年意怒迺出其重劾延年已知其如此矣趙掾至果白其輕者延年索懷中得重劾卽收送獄論殺之吏皆股弁更遣吏分攷兩高窮竟其姦誅殺各數十人郡中震恐道不拾遺三歲遷河南太守賜黃金二十斤豪強脅息威震旁郡其治務在摧折豪強扶助貧弱延年爲人短小精悍敏捷於事吏忠盡節者厚遇之如骨肉皆親鄉之出身不顧以是治下無隱情然疾惡泰甚中傷者多尤巧爲獄文善史書所欲誅殺奏成於手中主簿親近史不得聞知奏可論死奄忽如神後坐怨望誹

謗棄市

漢書本傳

翼奉字少君東海下邳人也治齊詩與蕭望之匡衡同師三人經術皆明衡爲後進望之施之政事而奉情學不仕好律歷陰陽之占元帝初卽位諸儒薦之徵待詔宦者署數言事宴見天子敬焉時平昌侯王臨以宣帝外屬侍中稱詔欲從奉學其術奉不肯與言而上封事云云上以奉爲中郎是歲關東大水郡國飢疫地震因赦天下舉直言極諫之士奉奏封事明年夏四月乙未孝武園白鶴館災奉自以爲中上疏請賜閒卒其終始上復延問得失奉以爲祭天地於雲陽汾陰及諸寢廟不以親疏迭毀皆煩費違古制又宮室苑囿奢華難供以故民困國虛亡累年之畜所繇來久不改其本難以末正乃上疏天子異其

人物傳

同治徐州府志卷第二十一

意答曰問奉今園廟有七云東徙狀何如奉對曰昔成王徙洛  
般庚遷殷其所避就皆陛下所明知也非有聖明不能一變天  
下之道臣奉愚戇狂惑唯陛下裁赦其後貢禹亦言當定迭毀  
禮上遂從之及匡衡為丞相奏徙南北郊其意皆自奉發之奉  
以中郎為博士諫大夫年老以壽終子及孫皆以學在儒官

本傳

劉辟彊字少卿好讀詩能屬文武帝時以宗室子隨二千石論  
議冠諸宗室清靜少欲常以書自娛不肯仕昭帝即位大將軍  
霍光擇宗室可用者辟彊子德待詔丞相府年三十餘欲用之  
或言父見在亦先帝之所寵也遂拜辟彊為光祿大夫守長樂  
衛尉時年已八十矣徙為宗正數月卒德字路叔少修黃老術

有智畧少時數言事召見甘泉宮武帝謂之千里駒昭帝初為  
宗正丞雜治劉澤詔獄父為宗正徙大鴻臚丞遷太中大夫後  
復為宗正雜案上官氏蓋主事德常持老子知足之計妻死大  
將軍光欲以女妻之德不敢取蓋長公主孫譚遮德自言德數  
責以公主起居無狀侍御史以為光望不受女承指劾德誹謗  
詔獄免為庶人屏居山田光聞而恨之復白召德守青州刺史  
歲餘復為宗正與立宣帝以定策賜爵關內侯地節中以親親  
行謹厚封為陽城侯子安民為郎中右曹宗家以德得官宿衛  
者二十餘人德寬厚好施生每行京兆尹事多所平反罪人家  
產過百萬則以振昆弟賓客食飲曰富民之怨也立十一年薨

漢書楚元王傳人物傳

劉向字子政本名更生楚元王元孫年十二以父德任爲輦郎  
既冠以行修飭擢諫大夫時宣帝招選名儒俊材置左右更生  
以通達能文辭進對獻賦頌凡數十篇會初立穀梁春秋徵更  
生受穀梁春秋講論五經於石渠復拜郎中給事黃門遷諫大  
夫給事中元帝初卽位蕭望之周堪薦更生宗室忠直明經有  
行擢爲宗正給事中與侍中金敞拾遺左右四人同心輔政尋  
爲外戚許史及宦官宏棊石顯所譖愬凡再繫獄免爲庶人乃  
上封事推春秋災異以救今事請放遠佞邪之黨壞散險詖之  
聚杜閉羣枉之門廣開衆正之路棊顯見之愈與許史比而怨  
更生遂廢十餘年成帝卽位更生乃復進用更名向拜中郎數  
奏封事遷光祿大夫時數有災異向以爲外戚貴盛王氏用事  
之咎乃集洪範五行傳論奏之天子心知向精忠然終不能奪  
王氏權又上疏諫營昌陵又採詩書所載賢妃貞婦及孽嬖亂  
亡者序次爲列女傳八篇以戒天子著新序說苑凡五十篇奏  
之數上疏言得失上雖不能盡用然內嘉其言常嗟歎之時上  
無繼嗣政由王氏出災異浸甚復上封事極諫天子召見向歎  
息悲傷其意以爲中壘校尉向廉靖樂道不交接世俗專積思  
於經術自見得信於上故常顯訟宗室譏刺王氏及在位大臣  
其言多痛切發於至誠上數欲用爲九卿輒爲王氏居位者及  
丞相御史所持故終不遷居列大夫官前後三十餘年年七十  
二卒少子歆最知名河平中受詔與向領校秘書講六藝傳記  
諸子詩賦數術方技無所不究向死後歆復爲中壘校尉領五

經卒父前業集六藝羣書種別爲七畧欲建立左氏春秋及毛詩逸禮古文尙書皆列於學宮哀帝令歆與五經博士講論其義諸博士或不肯置對歆因遺書太常博士責讓之其言甚切由是忤執政大臣出補吏後仕王莽爲國師

漢書楚元王傳

兩龔皆楚人勝字君賓舍字君倩二人相友並著名節故世謂之楚兩龔少皆好學明經勝爲郡吏舍不仕楚王入朝聞舍高明聘爲常侍不得已隨王歸國固辭願卒學復至長安而勝三舉孝廉以王國人不得宿衛補吏再爲尉一爲丞勝輒至官廼去州舉茂才爲重泉令病去官大司空何武執金吾閻崇薦勝徵爲諫大夫引見勝薦舍有詔徵舍至亦爲諫大夫勝居諫官數上書求見言百姓貧盜賊多吏不良風俗薄災異數見不可

不憂制度太奢刑罰太深賦斂太重宜以儉約先下遷丞相司直徙光祿大夫言董賢亂制度由是逆上指出爲渤海太守勝謝病免歸復徵爲光祿大夫勝常稱疾臥數使子上書乞骸骨會哀帝崩王莽白太皇太后使謁者僕射策詔之遂歸老於鄉里初舍以勝薦爲諫大夫病免復徵爲博士又病去哀帝遣使卽楚拜舍爲太山太守舍家居在武原使者至縣請舍便道之官數月乞骸骨上徵舍至京兆東湖界固稱病篤天子拜舍爲光祿大夫舍終不肯起廼遣歸舍亦通五經以魯詩教授舍勝旣歸鄉里郡二千石長吏初到官皆至其家如師弟子之禮舍年六十八王莽居攝中卒莽旣篡國明年遣使者奉璽書太子師友祭酒印綬安車駟馬迎勝使者與郡守縣吏三老官屬行人物傳

義諸生千人入勝里致詔勝稱疾篤使者要說至以印綬就加勝身勝輒推不受使者五日一與太守俱問起居為勝兩子及門人高暉等言朝廷虛心待君宜有行意勝自知不見聽即謂暉等吾受漢家厚恩以報今年老矣且暮入地誼豈以一身事二姓下見故主哉因敕以棺斂喪事語畢遂不復開口飲食積十四日死時年七十九

漢書本傳

東漢朱浮字叔元蕭人初從光武為大司馬主簿遷偏將軍從破邯鄲拜大將軍幽州牧守薊城遂討定北邊建武二年封武陽侯浮年少有才能頗欲厲風迹收士心辟召州中名宿以為從事及王莽時故吏二千石皆引置幕府乃多發諸郡倉穀廩贍其妻子漁陽太守彭寵不從其令浮以峻文詆之寵積怨遂

舉兵攻浮浮以書質責之寵得書愈怒攻浮轉急明年涿郡太守張豐亦舉兵反浮上書請救城中糧盡人相食乃遁走帝以浮代賈復為執金吾徙封父城侯帝以二千石長吏多不勝任微過輒斥罷浮因日食上疏諫自是牧守易代頗簡又言國學既興宜廣博士之選帝然之轉太僕二十年代竇融為大司空二十五年徙封新息侯永平中賜死

後漢書本傳

陳宣字子興沛國蕭人剛猛沈毅博學明魯詩遭王莽篡位隱處不仕光武即位徵拜諫議大夫建武十年雒水出造津城門校尉奏欲塞之宣曰昔周公卜雒以安宗廟為萬世基水不當入城門如為災異人主過不可辭塞之無益昔東郡金隄大決水欲沒郡令吏民散走太守王尊亡身救吏民伫立不動水應

人物傳



時自消尊人臣尙修正弭災豈况朝廷中興聖主天所挺授水必不入言未絕水去上善其言後乘輿出宣列引在前行遲乘輿欲驅鈎宣車蓋使疾行御者墮車下宣諫曰王者承天統地動有法度車則鳴鸞步則佩玉動靜應天昔孝文時有獻千里馬者還而不受陛下宜上稽唐虞不以文帝為法上納其言遂徐行按轡遷為河隄謁者以病免卒於家

謝承後漢書

劉矩字叔方沛國蕭人叔父光順帝時為司徒矩少有高節舉孝廉稍遷雍邸令以禮讓化民其無孝義者皆感悟自革民有爭訟矩常引之於前提耳訓告以為忿恚可忍縣官不可入使歸更尋思訟者感之輒各罷去後太尉胡廣舉矩賢良方正四遷為尚書令性亮直不能諧附貴勢以是失大將軍梁冀意出

為常山相以疾去官起補從事中郎復為尚書令遷宗正太常延熹四年代黃瓊為太尉瓊復為司空矩與瓊及司徒种暠同心輔政號為賢相靈帝初再為太尉所辟召皆名儒宿德不與諸郡交通順辭默諫多見省用以日食免卒於家

後漢書循吏傳

劉般字伯興宣帝元孫也宣帝封子鬲於楚傳國至般父紆見孝友傳值王莽篡位廢為庶人因家彭城般數歲而孤與母獨居莽敗天下亂母與般轉側兵革中西行上隴流至武威般雖少而篤志修行誦不怠建武八年將家屬東至洛陽修經學明年光武封般為菑邱侯奉孝王祀使就國後以國屬楚王徙封杼秋侯十九年行幸沛詔問郡中諸侯行能太守薦般東修至行為諸侯師帝聞而嘉之賜般錢百萬繒二百匹永平元年徙封

人物傳

居巢侯就國數年揚州刺史觀恂薦般在國口無擇言行無怨惡宜蒙旌顯宗嘉之徵般行執金吾事兼屯騎校尉帝嘗欲置常平倉般對以為常平倉外有利民之名而內實侵刻百姓豪右因緣為姦小民不得其平置之不便乃止建初二年遷宗正般在位數言政事尤能收恤九族時人稱之後漢書本傳

劉愷字伯豫般長子般卒以當襲爵讓與弟憲遁逃避封久之章和中有司奏請絕愷國肅宗美其義特優假之永元十年有司復奏之侍中賈逵上書言愷素行孝友謙遜潔清讓封弟憲潛身遠迹有司不原樂善之心而繩以尋常之法懼非長克讓之風成含宏之化和帝乃聽憲嗣爵徵愷拜為郎遷侍中愷入朝在位者莫不仰其風行累拜司空太常愷性篤古貴處士每

有徵舉必先巖穴元初二年為司徒永甯元年致仕安帝始親政事朝廷多稱愷之德復拜太尉少子茂字叔盛亦好禮讓桓帝時為司空以訟司隸校尉李膺等寃坐免建甯中復為大中

大夫卒於官後漢書劉般傳

姜肱字伯淮彭城廣戚人家世名族肱與二弟仲海季江俱以孝行著聞其友愛天至常共卧起肱博通五經兼明星緯士之遠來就學者三千餘人辟命皆不就二弟名聲相次亦不應徵聘時人慕之肱嘗與季江謁郡夜於道遇盜欲殺之肱兄弟更相爭死賊遂兩釋焉但掠奪衣資而已既至郡中見肱無衣服怪問其故肱託以他辭終不言盜盜聞而感悔後乃就精廬求見皆叩頭還所畧物肱不受而遣之後與徐穉等俱徵不至桓

人物傳

帝乃下彭城使畫工圖其形狀肱伏卧幽閤以被韜面工竟不得見之中常侍曹節等專執朝事誅陳蕃竇武欲借寵賢德以釋眾望乃白徵肱為太守肱隱遯海濱再拜大中大夫詔書至門肱使家人對云久病就醫遂羸服間行竄伏青州界中賣卜給食召命得斷家亦不知其處歷年乃還熹平二年終於家弟子陳畱劉操追慕肱德刊石頌之

後漢書本傳

度尚字博平山陽湖陸人家貧積困窮為郡上計吏拜郎中除上虞長為政嚴峻明於發擿姦非吏人謂之神明遷文安令遇時疾疫殺貴人飢尚開倉廩給營救疾者百姓蒙其濟時冀州刺史朱穆行部見尚甚奇之延熹五年長沙零陵賊合七八千人入桂陽蒼梧南海交趾太守望風奔逃遣御史中丞盛修募

兵討之不能剋豫章艾縣民六百餘人應募而不得賞直怨恚遂反焚燒長沙郡縣寇益陽又遣謁者馬睦督荊州刺史劉度擊之軍敗尚書朱穆舉尚自右校令擢為荊州刺史尚躬率部曲廣募諸蠻夷明設購賞進擊大破之桂陽宿賊渠帥卜陽潘鴻等畏尚威烈徙入山谷尚窮追數百里遂入南海破其三屯多獲珍寶而陽鴻等黨眾猶盛尚欲擊之而士卒驕富莫有鬪志尚乃宣言賊今兵寡少未易可進當須諸郡所發悉至并力攻之申令軍中恣聽射獵尚乃密使所親客潛焚其營珍積皆盡獵者還莫不涕泣尚人人慰勞因曰卜陽等財寶足富數世諸卿但不并力耳所亾少何足介意眾聞咸憤踊尚敕令秣馬蓐食明旦徑赴賊屯大破平之七年封右鄉侯遷桂陽太守



旋拜桂陽太守桂陽太守周景功助銘桂陽太守周府君者徐

行與聞門名桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

桂陽太守周景功助銘桂陽太守周府君者徐

謝安下邳人建康元年九江盜賊徐鳳馬勉攻燒城邑馬勉稱

皇帝安應募率其宗親設伏擊鳳斬之封平鄉侯邑三千戶

吳樹下邳人桓帝時為宛令之官辭梁冀冀賓客布在縣界以

人物傳

同治徐州府志卷第二十一

同治徐州府志卷第二十一

同治徐州府志卷第二十一

同治徐州府志卷第二十一

同治徐州府志卷第二十一

情託樹樹曰小人奸蠹比屋可誅明將軍以椒房之重處上將

之位宜崇賢善以補朝闕宛為大都士之淵藪自侍坐以來未

聞稱一長者而多託非人誠非敢聞冀默然不悅樹到縣誅殺

冀客為人害者數十人冀深怨之後為荊州刺史臨去辭冀冀

為設酒因鳩殺之後漢書

刁韙字子榮彭城人建和時為侍御史陳蕃黃琬為權富郎所

中傷事下御史韙與中丞王暢素重蕃琬不舉其事坐朋黨禁

錮後陳蕃被徵言事者多訟韙復拜議郎遷尚書在朝有鯁直

臣節出為魯東海二郡相性抗厲有明畧所在稱神常以法度

自整家人莫見恠容焉後漢書

嚴訢字少通下邳人治嚴氏春秋馮君章句按邳州志云碑在

兼備幼為郡掾史會稽諸暨尉守烏程毗陵餘暨章安山陰長

以疾去官後為丹陽懷陽丞守春穀長舉廉遷東牟侯相祝

長所在若神年六十有九和平元年卒祝長嚴訢惟漢中興

治東宮星屬角房月建朱鳥中呂之均萬物慈躬華澤青

慈岐行鳴動咸守厥常人物同授獨遭災霜巔實俱細落壽不

寬弘經設三命君獲其央年六十有九禮勝蚤天啓嗟痛兮嗚

乎悲傷故著名詳辨唱嘆歎歎噴頽授笑輝舒慮曠唱其辭曰

伊嘆嚴君諱訢字少通北自楚莊祖孝相承招命道術治嚴氏

春秋馮君章句眾書淵缺靡不備君體性慈仁常容譽忠公

清白好善博愛有文有武兼備勇為郡掾史會稽諸暨尉守

烏程毗陵餘暨章安山陰長以疾去官後為丹陽懷陽丞守春

穀長舉廉遷東牟侯相祝長嚴訢惟漢中興

恩澤與今不滅年何億掩忽推藏於配公劉寔與相

悲風舒氣信後宮貴人上君若魂靈柩農夫菜婦莫不

嘆欲舒人便優缺日哀君若魂靈柩農夫菜婦莫不

人物傳

子城昔先予女斯有命不可追嗚呼哀哉缺何棠所幸臨

不書黃耆壽考沒題缺之按且於中嶽玄照洞倉弘高顯甘棠君

刻書文啓堂列種諸奇樹窮何桐靈魂審有知福祚遺子缺

嚴發彭城人隸績云碑首行日月之下有曾閔之行郡官桓諤

佐陳章等上言聽表門閭處士嚴發碑上閏月戊申朔五日美

三國吳張昭字子布彭城人也少好學善隸書從白侯子安受

左氏春秋博覽眾書弱冠察孝廉不就漢末大亂徐方士民多

避難揚土昭南渡江孫策創業命昭為長史撫軍中郎將升堂

拜母如比肩之舊文武之事一以委昭昭每得北方士大夫書

疏專歸美於昭策聞之歡笑曰昔管仲相齊一則仲父二則仲

父而桓公為霸者宗今子布賢我能用之其功名獨不在我乎

策臨亡以弟權託昭昭率羣僚立而輔之權悲感未視事昭謂

權曰夫為人後者貴能負荷先軌克昌堂構以成勲業也方今

天下鼎沸孝廉何得寢伏哀戚肆匹夫之情哉乃身自扶權上

馬射虎虎突前攀持馬鞍昭變色而前曰將軍何有當爾夫為

人物傳

同治徐州府志卷第二十一

南寡弱無方寸之及故乎貞遠下車拜昭爲綏遠將軍封由拳侯權於武昌臨釣臺大醉使人以水灑羣臣曰今日酣飲惟醉墮臺中乃當止耳昭正色不言出外車中坐權遣人呼昭還謂曰爲共作樂耳公何爲怒乎昭曰昔紂爲糟邱酒池長夜之飲當時亦以爲樂不以爲惡也權默然有慚色遂罷酒權旣稱尊號昭以老病上還官位及所統領更拜輔吳將軍班亞三司改封婁侯食邑萬戶在里宅無事乃著春秋左氏傳解及論語注昭每朝見辭氣壯厲義形於色會以直言逆旨中不進見後蜀使來稱蜀德美而羣臣莫拒權歎曰使張公在坐彼不折自廢安復自誇乎明日遣中使勞問權以公孫淵稱藩遣張彌許晏至遼東拜淵爲燕王昭諫曰淵背魏懼討遠來求援非本志也

若淵改圖欲自明於魏兩使不反不亦取笑於天下乎權與相反覆昭意彌切權卒遣彌晏往昭忿言之不用稱疾不朝權恨之士塞其門昭又於內以土封之淵果殺彌晏權數慰謝昭昭容貌矜嚴有威風權嘗曰孤與張公言不敢妄也舉邦憚之年八十一嘉禾五年卒遺令幅巾素棺斂以時服權素服臨弔諡曰文侯長子承己自封侯少子休襲爵

三國志本傳

張奮昭弟子年二十造作攻城大攻車爲步騭所薦昭不願曰汝年尚少何爲自委於軍旅乎奮對曰昔童汪死難子奇治阿奮實不才耳於年不爲少也遂領兵爲將軍連有功效至平州

都督封樂鄉亭侯

三國志張昭傳

張承字仲嗣少以才學知名與諸葛瑾步騭嚴畯相友善權爲

人物傳



驃騎將軍辟西曹掾出為長沙西部都尉討平山寇得精兵萬  
五千人後為濡須都督奮威將軍封都鄉侯承為人壯毅忠讜  
能甄識人物拔彭城蔡款南陽謝景於孤微童幼後並為國士  
款至衛尉景豫章太守又諸葛恪年少時眾人奇其英才承言  
終敗諸葛氏者元遜也勤於長進篤於物類凡在庶幾之流無  
不造門年六十七赤烏七年卒諡曰定侯子震嗣三國志張昭傳  
張休字叔嗣昭少子弱冠與諸葛恪顧譚等俱為太子登僚友  
以漢書授登從中庶子轉為右弼都尉權嘗游獵追暮乃歸休  
上疏諫戒權大善之以示於昭及登卒後為侍中拜羽林都督  
平三典軍事遷揚武將軍為魯王霸友黨所譖與顧譚承俱以  
芍陂論功事休承與典軍陳恂通情詐增其伐並徙交州中書

令孫宏佞偽險諛休素所忿宏因是譖訴下詔書賜休死時年

四十一 三國志張昭傳

嚴峻字曼才彭城人也少耽學善詩書三禮又好說文避亂江  
東與諸葛瑾步騭齊名友善性質直純厚其於人物忠告善道  
志存補益張昭進之於孫權權以為騎都尉從事中郎及橫江  
將軍魯肅卒權以峻代肅督兵萬人鎮據陸口眾人咸為峻喜  
峻前後固辭樸素書生不閑軍事非才而據咎悔必至發言慷  
慨至於流涕權乃聽焉世嘉其能以實讓權為吳王及稱尊號  
峻嘗為衛尉使至蜀蜀相諸葛亮深善之不蓄祿賜皆散之親  
戚知故家常不充坐劉禪事廢久之為尚書令後卒三國志本傳  
蔡款字文德彭城人為張昭子承所拔歷位內外以清真顯於

人物傳

同治徐州府志卷第二十三上

當世後以衛尉領中書令封留侯

張昭傳又注引吳錄

東晉劉隗字大連彭城人漢楚元王交之後少有文翰起家秘書郎彭城內史避亂渡江元帝以為從事中郎遷丞相司直委以刑憲屢有彈奏不畏彊禦累拜鎮北將軍都督青徐幽平四州假節加散騎常侍率萬人鎮泗口初隗以王敦威權太盛終不可制勸帝出腹心以鎮方隅故以譙王承為湘州續用隗及戴若思為都督敦甚惡之及敦作亂隗與刁協入見奏請誅王氏不從遂奔石勒卒孫波字道則初仕石季龍季龍死遂歸穆帝以為襄城太守累遷散騎常侍

晉書本傳

劉訥字令言隗伯父有人倫識鑒初入洛見諸名士歎曰王夷甫太鮮明樂彥輔我所敬張茂先我所不解周宏武巧於用短

杜方叔拙於用長訥終於司隸校尉訥子疇字王喬少有美譽善談名理永嘉中位至司徒左長史為閭鼎所殺司空蔡謨每歎曰若使劉王喬南渡司徒公之美選也王導拜司徒歎曰劉王喬若過江我不獨拜公也其為名流所推服如此疇兄子劭有才幹咸康世歷御史中丞侍中尚書豫章太守劭族子黃老太元中為尚書郎有義學注慎子老子行於世

晉書劉隗傳

劉毅字希樂彭城沛人少有大志不修家人產業仕為州從事桓宏以為中兵參軍屬桓元篡位毅與劉裕何無忌等起義兵討元及其將戰於江乘羅落橋覆舟山皆大破之元軍奔散乃逼帝及琅邪王西上毅追及元戰於崢嶸州乘風縱火盡銳爭先元眾大敗燒輜重夜走及元死毅與諸將討破桓振於江陵

人物傳

晉書卷一百一十五

七

乘輿反正毅執元黨盡殺之詔以毅為豫州刺史以匡復功封南平郡開國公進拜衛將軍開府儀同三司改荊州刺史加督交廣二州劉裕以毅貳於己率軍攻之毅眾散自縊死兄邁字伯羣少有才幹為殷仲堪中兵參軍桓元之在江陵甚豪橫曾於仲堪廳事前戲馬以稍擬仲堪邁時在坐謂元曰馬稍有餘精理不足仲堪為之失色後為竟陵太守及毅與裕等同謀起

義邁將應之事泄為元所害

晉書本傳

宋劉敬宣字萬壽彭城人漢楚元王交之後父牢之太元初謝元鎮廣陵牢之領精銳為前鋒號北府兵淮淝之役以五千人拒苻堅將梁成一二萬眾臨陣斬成堅遂大敗累遷彭城內史戍彭城領太守敬宣八歲喪母晝夜號泣桓序鎮蕪湖牢之參序

軍事四月八日敬宣見眾人灌佛乃下頭上金鏡以為母灌因悲泣不自勝序歎息謂牢之曰卿此兒非唯家之孝子必為國之忠臣起家王恭前軍參軍又參元顯征虜軍事隆安三年王恭起兵京口牢之時為恭前軍司馬太傅會稽王道子與牢之書使以兵反恭敬宣力贊之牢之遂遣敬宣襲恭恭敗元顯以敬宣為諮議參軍加臨淮太守桓元既得志害元顯牢之謀襲元事泄自縊死敬宣渡江與廣陵相高雅之俱奔慕容德敬宣曉天文知必有興復晉室者尋夢丸土服之既覺喜曰丸者桓也桓既吞矣吾復本土乎會宋武帝平京口手書召敬宣遂馳還京師帝以敬宣為輔國將軍晉陵太守襲封武岡縣男與諸葛長民破桓歆於芍陂遷江州刺史敬宣在江州課集軍糧授

人物傳

同治徐州府志卷第二十一

召舟乘軍戎要用常有儲擬西征諸軍雖失利退據因之每卽  
振復尋除宣城內史宣城多山縣郡舊立屯以供費用前人多  
發調工巧造作器用敬宣到郡悉罷私屯亡叛多首出遂得三  
千餘戶義熙三年宋武帝表遣敬宣率衆五千伐蜀無功而還  
坐免官五年伐鮮卑除中軍諮議參軍從至臨朐破慕容超圍  
廣固屢獻規畧加散騎常侍敬宣寬厚善待士多伎藝弓馬音  
律無事不善時尙書僕射謝混自負才地少所交納與敬宣相  
遇便盡禮或問混曰卿未嘗妄交而傾蓋萬壽何也混曰人之  
相知豈可以一塗限孔文舉禮太史子義夫豈有非之者耶尋  
領冀州刺史進號右將軍後爲其參軍司馬道賜所害喪還帝  
臨哭甚哀

宋書  
本傳

劉懷肅彭城人宋武帝從母兄也家世貧窶躬耕好學仕晉爲  
費令聞宋武帝起義棄縣來奔京邑平定振武將軍道規追桓  
元以懷肅爲司馬連破城壘桓元旣死從子振襲江陵懷肅自  
雲杜馳赴晝夜兼程七日而至振勒兵三萬旗幟蔽野躍馬橫  
矛躬自突陣流矢傷懷肅額衆懼欲奔懷肅瞋目奮戰於是士  
卒爭先臨陣斬振首江陵平爲輔國將軍淮南歷陽二郡太守  
又領劉毅撫軍司馬以建義功封東興縣侯卒贈左將軍

宋書  
本傳

劉眞道彭城人懷敬子爲錢唐令有美政元嘉十三年東土饑  
上遣揚州治中沈演之巡行在所演之上表稱其奉公恤民恪  
勤匪懈訟訴希簡又屢能禽獲凶寇實爲治民之良宰上嘉之  
賜穀千斛後爲梁南秦二州刺史討破楊難當生禽其子虎爲

人物傳

司台徐州府志卷第二十五

七

建威將軍雍州刺史

宋書本傳

劉懷慎懷肅弟少謹慎質直始為彭城內史從宋武帝征鮮卑剋廣固距盧循於石頭每戰必身先士卒加護國將軍監北徐州軍事鎮彭城尋加徐州刺史為政嚴猛境內震肅以平廣固盧循功封南城縣男帝北伐以為中領軍征虜將軍衛輦輶雖名位轉優而恭恪愈至每所之造位任不逾己者皆束帶門外下車其謹退類如此永初元年以佐命功進爵為侯位五兵尚書加散騎常侍景平元年遷護軍將軍祿賜頒於宗族家無餘財卒諡肅侯

宋書本傳

劉榮祖懷慎庶長子少好騎射為宋武帝所知以戰功叅太尉軍事帝北伐轉鎮西中兵參軍水軍入河與朱超石大破魏軍

於半城又攻劉度壘剋之帝大饗將士謂榮祖曰卿以寡剋眾攻無堅城雖古名將何以過此永和中為輔國將軍追論半城功賜爵都鄉侯榮祖為人輕財重義善撫將士領軍將軍謝晦深接待之廢立之際晦要榮祖固辭獲免及晦出鎮荆楚欲請為南蠻校尉榮祖又固止之其年卒

宋書劉懷慎傳

劉簡之彭城人有志幹為宋武帝所知帝將謀興復收集才力之士嘗再造簡之會有客簡之悟其意謂弟虔之曰劉下邳再來必當有意既不得共語汝可試往見之虔之至武帝已剋京口虔之即投義簡之間之殺耕牛會眾以赴之位太尉諮議參

軍

宋書劉康祖傳

劉謙之簡之弟好學撰晉紀二十卷義熙末為始興相東海人

人物傳

同治徐州府志卷第二十二

徐道期流寓廣州因刺史謝欣死率羣不逞作亂攻沒州城又出攻始興謙之破走之進平廣州誅其黨與仍行州事即以爲

廣州刺史

宋書劉康祖傳

劉鍾字世之彭城彭城人也少孤依鄉人中山太守劉回共居幼有志力常慷慨於貧賤從宋武帝伐孫恩摧堅陷陣每有戰功義旗建帝版鍾爲郡主簿命曰預是彭沛鄉人赴義者並可依劉主簿於是立爲義隊恆在左右桓謙屯東陵卞範之屯覆舟山西帝疑賊有伏兵顧左右止見鍾謂之曰此山下當有伏兵卿可往撲之鍾應聲馳進果有伏兵數百一時奔走轉鎮軍參軍除南齊國內史封安邱縣五等侯從征廣固孟龍符陷沒鍾率左右直入賊營取其尸而反代龍符領廣州太守盧循逼

京邑鍾率麾下距柵身被重創賊不得入循南走又隨劉藩追徐道覆於始興斬之補太尉行參軍甯朔將軍下邳太守領石頭戍事帝討劉毅鍾率軍繼王鎮惡江陵平定隨朱齡石伐蜀爲前鋒由外水至彭模去成都二百里僞督護譙亢等兩岸連營層樓重柵衆號三萬鍾於時脚疾不能行齡石乃詣鍾謀且欲養銳息兵以伺其隙鍾曰前揚聲言大衆向內水譙道福不敢舍涪城今重軍卒至出其不意蜀人已破膽矣阻兵守險是其懼不敢戰非能持久盡銳攻之其勢必克鼓行而進成都必不能守若緩兵相守彼將知我虛實涪軍忽來并力拒我此求戰不獲軍食無資當爲蜀子虜耳齡石從之明日進攻陷其二城斬其大將侯輝譙誼逕平成都以廣固功封永新縣男遷給

人物傳

事中大尉參軍事高陽內史領石頭戍事帝北伐復留鎮居守增其兵力又命府置佐吏尋遷右衛將軍卒

宋書本傳

劉道產簡之子初為無錫令在縣有能名宋武帝版為中軍行參軍又為道憐驃騎參軍襲爵晉安縣五等侯除巴西梓潼二郡太守郡人黃公生等竝護縱餘燼與姻親侯攬羅奧等招引白水氏規欲為亂道產誅公生等二十一家宥其餘黨元嘉三年遷梁南秦二州刺史在州有惠化關中流民前後出漢川歸之者甚多表置隴西宋康二郡以領之八年又遷持節甯蠻校尉雒州刺史善於臨民在雒部政績猶著蠻夷前後不受化者竝皆順服悉出緣沔為居百姓樂業民戶豐贍由此有襄陽樂歌自道產始也十九年卒諡曰襄侯道產澤被西土及喪還諸

蠻皆備哀經號哭追送至於沔口

宋書本傳

劉延孫彭城呂人雒州刺史道產子也世祖為徐州補治中從事史及即位以為侍中領前軍將軍封東昌縣侯滅質反叛上深以東土為憂出延孫為吳興太守事平徵為尚書右僕射遣至江陵分判枉直行其誅賞大明元年出為南徐州刺史時竟陵王誕為徐州上深相畏忌不欲使居京口遷之廣陵欲使腹心據京口以防誕故以南徐授延孫而與之合族使諸王序親三年誕有罪不受徵延孫馳遣中兵參軍杜幼文率兵赴討誕遣使劉公泰齎書招之延孫斬公泰送首京邑復遣幼文率軍渡江受沈慶之節度其年進號車騎將軍加散騎常侍卒諡文

宋書本傳

人物傳

劉亮懷慎從孫少工刀盾大明中為武康令以軍功封順陽縣侯歷梁益二州刺史在位廉儉所餘公祿悉以還官明帝下詔

褒美卒諡剛侯

南史劉懷慎傳

到彥之字道豫彭城武原人楚大夫屈到後也宋武帝討孫恩以鄉里樂從每有戰功封俱山縣子劉道憐鎮江陵以彥之為驃騎諮議參軍尋遷司馬南郡太守又從文帝西鎮除使持節南蠻校尉武帝受命進爵為侯彥之佐守荆楚垂二十載威信為士庶所懷及文帝入奉大統以徐羨之等新有篡虐懼欲使彥之領兵前驅彥之曰了彼不貳便應朝服順流若使有虞此師既不足恃更開隙之端會雍州刺史褚叔度卒乃遣彥之權鎮襄陽徵為中領軍委以戎政江陵平監荊州州府事改封

建昌縣公其秋遷南豫州刺史鎮歷陽七年遣彥之制督王仲

德等北侵無功而還免官明年夏起為護軍九年復封邑固辭

明年卒乃復先戶邑諡曰忠公孝建三年詔彥之與王華王曇

首配食文帝廟庭

南史本傳

劉粹字道沖沛郡蕭人少有志幹初為州從事從宋武帝剋京城為沛郡太守又領下邳太守從征廣固以功封西安縣五等侯累遷中軍諮議參軍奉文帝鎮京口帝時年四歲後為江夏相衛將軍毅粹族兄也粹獨盡心武帝不與毅同以佐命功封建安縣侯文帝即位為雍州刺史在任簡役愛民罷諸沙門二千餘人以補府史初粹與謝晦厚善晦以粹子曠之為參軍及元嘉三年受命南討一無所顧

宋書本傳

人物傳



劉損字子騫粹族弟衛將軍毅從父弟也父鎮之字仲德以毅  
貴顯聞居京口未嘗應召常謂毅汝必破我家毅甚畏憚未嘗  
以華儀入鎮之門以左光祿大夫徵不就年九十餘卒於家損  
元嘉中歷官義興太守東土殘饑太祖遣揚州治中沈演之東  
入賑恤以損撫綏有功稱為良守官至吳郡太守至閶門便入  
泰伯廟時廟室頽毀垣墻不修損愴然曰清塵尚可髣髴衡宇  
一何摧頽即令修葺卒贈太常宋書劉粹傳參南史劉粹傳  
劉伯龍損同郡宗人少貧薄及長歷位尚書左丞少府武陵太  
守貧窶尤甚嘗在家慨然召左右將營十一之方忽見一鬼在  
旁撫掌大笑伯龍歎曰貧窮固有命乃復為鬼所笑也遂止南

劉粹傳

垣護之字彥宗本畧陽桓道人徙家下邳父苗仕宋為屯騎校  
尉護之少惆儻形狀短陋而氣幹強果元嘉初為殿中將軍隨  
到彥之北伐彥之將回師護之為書諫彥之不納散敗而歸帝  
聞而善之累遷鍾離太守王元謨攻滑臺護之率百舸為前鋒  
進據石濟及魏救將至馳書勸元謨急攻之不從元謨敗退魏  
軍以鐵鑠三重斷河絕護之還路護之以長柯斧斷之魏人不  
能禁唯失一舸餘舸並全還領濟北太守文帝崩屯歷下孝武  
入討劬護之率所領馳赴帝以為冀州刺史及南郡王義宣反  
護之率軍擊魯爽大破賊將龐法起遷徐州刺史封益陽縣侯  
復拜青冀二州刺史鎮歷城徵為右將軍於道聞竟陵王誕反  
即率部曲受沈慶之節度事平轉臨淮太守徙豫州刺史卒諡

人物傳

日壯

宋書本傳  
南史本傳

垣閻榮祖從父也父遵元嘉中員外散騎常侍閻母墓為東阿寺道人曇洛等所發閻與弟閻共殺曇洛等五人詣官歸罪見原大明三年官兗州刺史為竟陵王誕所殺贈征虜將軍

宋書垣護

傳之

垣閻字叔通為宋孝武帝南中郎參軍孝武卽位以為交州刺史明帝初為司州刺史北破薛道標封樂鄉縣男出為益州刺史歷度支尚書衛尉蕭道成輔政使褚淵為子晃求閻女閻辭以齊大非偶道成雖嘉其退讓而心不能歡卒於金紫光祿大夫諡曰定子禧伯襲爵

南史垣護之傳

垣曇深閻弟子也以行義稱為臨城縣罷歸得錢十萬以買宅

奉兄退無私蓄劉楷為交州謂王儉曰欲一人為南土所聞者同行儉良久曰得之矣昔垣閻為交州閻弟閻又為九真郡皆著信南中羽林監曇深閻之子也雅有學行當令同行隨楷未至交州而卒

南史垣護之傳

齊垣崇祖字敬遠一字僧寶詢之子年十四有幹畧伯父護之曰此兒必大吾門後隨薛安都入魏尋率門宗據朐山歸宋求淮北立功以為北琅邪蘭陵二郡太守時魏人聲言欲攻淮南崇祖啟帝將數百人入魏界七百里據南城固蒙山扇動羣縣敵眾大至崇祖住後力戰大敗追者而歸以久勞封下邳子歷盱眙平陽東海三郡太守蕭道成鎮淮陰以其武勇善待之崇祖曰此真吾君也遂密布誠節道成威名已著宋明帝尤所忌

人物傳

同治徐州府志卷之二

疾崇祖建策以免由是參豫密謀元徽末道成令崇祖入魏更  
聽後命蒼梧廢名崇祖還及齊高帝受禪恐魏致討以軍衝在  
壽春徙為豫州刺史封望蔡侯建元二年魏攻壽春崇祖乃於  
城西北立堰塞淝水堰北起小城使數千人守之謂長史封延  
伯曰虜必悉力攻小城若破此堰放水一激自然沈溺及魏軍  
由西道集堰南分軍東路內薄攻小城崇祖著白紗帽肩輿上  
城手自轉式日晡時決小史球水勢奔下魏攻城之眾溺死數  
千初崇祖於淮陰見高帝便自比韓白及捷至帝謂朝臣曰韓  
白真不虛也進為都督崇祖慮魏復攻淮北啟徙下蔡戍於淮  
東其冬魏果攻下蔡故城崇祖大破之武帝即位為五兵尚書  
領驍騎將軍初豫章王嶷有盛寵武帝在東宮崇祖不自附及

破魏軍詔使還朝與共密議武帝疑之永明元年詔稱其構扇  
邊荒誅之南史垣護之傳  
南齊書本傳

垣榮祖字華先崇祖從父兄也榮祖少學騎射或曰何不學書  
榮祖曰曹操曹丕上馬橫槊下馬談論此可不負飲食矣君輩  
無自全之技何異犬羊乎宋孝建中為後軍參軍明帝初即位  
四方兵起除榮祖冗從僕射遣還徐州說刺史薛安都被拘不  
得還因為安都將領安都引魏軍入彭城榮祖奔胸山蕭道成  
鎮淮陰榮祖歸附尋除東海太守榮祖善彈嘗登西樓見翔鵠  
雲中謂左右當生取之於是彈其兩翅毛脫盡墜地無傷毛生  
飛去其妙如此豫齊高帝佐命勳封將樂縣子出為持節督青  
冀二州永明二年為尋陽相南蔡太守後拜兗州刺史卒榮

祖從弟歷生為驍騎將軍初薛安都反以女婿裴祖隆為下邳太守歷生時請假還北謀殺祖隆舉城應朝廷事發奔走入齊

歷官太子右率與始安王遙光謀反誅死南史垣護之傳南齊書本傳

王元載字彥休下邳人按齊書以元載為下邳人附載從弟元

張永征彭城元載全據下邳城拒虜官軍新敗人情恐駭以元

載士望版為徐州刺史尋督二豫梁南北秦軍累徙督益甯二

州益州刺史持節如故沈攸之難元載起義送誠進號後將軍

封鄂縣子建元元年為左民尚書會虜動南兖州刺史王敬則

奔京師上遣元載領廣陵加平北將軍行南兖州事永平四年

監兖州緣淮諸軍刺史六年卒諡烈子元載夷雅好元言脩士

操在梁益有績西州至今思之南齊書本傳

曹虎字士威下邳人也本名虎頭蕭道成鎮東府領白直

三百人後為屯騎校尉帶南城令石頭平封羅江縣男齊受禪

改封監利縣武帝即位累遷驍騎將軍永明六年督諸軍討桓

天生進拔隔城鬱林即位進前將軍雍州刺史建武二年進爵

為侯東昏時為前將軍鎮軍司馬始安王遙光反虎領軍屯青

溪大橋事平轉散騎常侍右衛將軍虎形幹甚毅善於誘納頗

有知人鑑蕭衍崔慧景之在襄陽崔方貴盛虎無所餉遺獨饋

衍謂曰卿必大貴我當不及見今以弱子見託時衍在戎多乏

就虎換借未嘗不得及即位夢如田塍下行虎負而過曰卿今

為天下主乃忘我邪我兒饑寒昔所換十七萬可還其市宅覺

人物傳

使主書送還之子世澄世宗並蒙抽擢迭爲大郡世宗性嚴明  
頗識兵勢歷太子左衛率

南史本傳南齊書本傳

梁到溉字茂灌彭城武原人少孤貧與兄沼弟洽俱知名起家  
王國右常侍樂安任昉大相賞好除尚書殿中郎後爲建安太  
守還爲太子中舍人溉長八尺眉目如點白皙美須髯舉動風  
華善於應對上用爲通事舍人歷太子中庶子湘東王爲會稽  
太守以溉爲輕車長史行府郡事遭母憂毀瘠過人服闋猶蔬  
布累載歷御史中丞都官左戶二尚書掌吏部尚書坐事左遷  
光祿大夫所泣以清白自修性又率儉不好聲色虛室單床傍  
無姬侍冠履十年一易朝服或至穿補傳呼清路示有朝章而  
已後爲散騎常侍侍中國子祭酒溉素謹厚特被賞接帝每與

對棊從夕達旦後因疾失明詔以金紫光祿大夫就第養疾家  
門雍睦兄弟特相友愛初與弟洽常共居一齋洽卒後便捨爲  
寺因斷腥羶終身蔬食性不好交游惟與朱异劉之遴張綰同  
志友密及臥疾唯三人歲時鳴騶枉道以相存問寘酒極歡而  
去卒有集二十卷行於世子鏡見文學傳

梁書本傳南史本傳

劉慧斐字文宣彭城呂縣人少博學能屬文起家安成王法曹  
行參軍嘗還都途經尋陽遊匡山過處士張孝秀相得甚歡遂  
有終焉之志因不仕居於東林寺又於山北構園一所號曰離  
垢園時人乃謂爲離垢先生慧斐尤明釋典工篆隸在山手寫  
佛經二千餘卷常所誦者百餘卷簡文臨江州遺以几杖論者  
云自遠法師沒後將二百年始有張劉之盛元帝及武陵王等

書問不絕大同二年卒

梁書處士傳

劉遵字孝陵孺弟少清雅有學行為晉安王綱宣惠雲麾二府記室甚見賓禮王為皇太子仍除中庶子卒官皇太子深悼惜

之

梁書劉孺傳

劉盈彭城人以西中郎府錄事參軍隨蕭譽之鎮有器度勤於在公營之軍國經謀頗得參預歷黃門郎中書監雍州刺史尚

書僕射歸之七年卒贈本官

周書蕭譽傳

陳到仲舉字德言洽次子

洽見文學傳

立身耿正釋褐為著作佐郎

太子舍人出為長城令政號廉平陳文帝居鄉里嘗詣仲舉時天陰雨仲舉獨坐齋內聞城外有簫鼓聲俄而文帝至仲舉異之乃深自結託侯景之亂仲舉依文帝平之及嗣位累遷尚書

右僕射封建昌縣侯高宗立以仲舉為貞毅將軍金紫光祿大夫仲舉子郁尚文帝妹信義長公主官至中書侍郎出為宣城

太守是年遷為南康內史以國哀未之任高宗以韓子高事收仲舉及郁付廷尉賜死於獄郁諸男女以帝甥獲免

陳書本傳

北魏劉僧利彭城人芳族兄

芳見文學傳

輕財通俠甚得鄉情孝文

幸徐州引見善之拜徐州別駕遷沛郡太守從容鄉里不樂臺官積十餘年徵拜輕車將軍羽林監卒官

魏書劉芳傳

劉元孫懋從叔

懋見文學傳

養志邱園不求聞達孝文幸彭城起家

拜蘭陵太守治以清靜為名卒官子長文為南兗州長史帶譙郡太守被圍糧竭固節全城以功賜下邑子遷魯郡太守

魏書劉芳傳

人物傳

同治徐州府志卷第二十三

鄭長猷本滎陽人徙彭泗為東平沛郡太守入為主客郎中襲封雲陽伯孝文南伐既克宛城拜長猷南陽太守詔曰昔曹公克荊州雷滿寵於後朕今委卿此郡兼統戎馬非直綏初附以扞城相托尋徵為護軍長史後任城王為揚州刺史詔長猷為諮議參軍轉徐州武昌王長史帶彭城內史徵拜諫議大夫遷通直散騎常侍永平末卒諡曰貞

魏書劉芳傳

劉騰字子欣父廡

廡見忠節傳

騰少有風韻頗涉文史州辟主簿奉

使詣闕見莊帝於顯陽殿問以邊事應對閑敏帝善之除徐州開府從事中郎廡死騰率鄉部赴兗州與刺史樊子鵠抗禦王師每戰流涕突陳城陷擒送晉陽高歡矜而赦之後為中書舍人時與梁和騰前後受敕接對梁使十六人官至司徒長史

魏書

劉芳傳

北齊皮景和琅邪下邳人少通敏善騎射初以親信事齊神武征步落稽疑賊有伏令景和將五六騎深入一谷遇賊百餘人便戰景和射數十人莫不應弦而倒以戰功累遷殿中尚書侍中景和於武職中兼長吏事又性識均平武平中詔獄恆令景和案覆據理執正由是刑無枉濫平陽人鄭子饒為亂景和討禽之陳將吳明徹圍壽陽敕景和與賀拔恩救之是時拒明徹者多傾覆唯景和全軍而還累封文城郡王除尚書令

北齊書本傳北

史本傳

隋劉權字世畧彭城豐人少有俠氣後更折節好學動循法度開皇中以車騎將軍領鄉兵從晉王廣平陳以功進授開府儀

人物傳

司合徐州府志卷第二十二

七

同三司十二年拜蘇州刺史賜爵宗城縣公時江南初平權撫以恩信甚得人和煬帝嗣位拜衛尉卿從征吐谷渾權率眾出伊吾道擊賊走之逐北至青海乘勝達伏俟城過曼頭赤水置河源郡積石鎮大開屯田畱鎮西境在邊五年諸羌懷附後為南海太守行至鄱陽會羣盜起詔權討之權詣賊營說以利害羣盜感悅一時降附既至南海甚有異政數歲遇盜賊羣起羣豪帥願推權為首權固守拒之子世徹又密遣人賫書諷令舉兵權召集僚佐對斬其使竟無異圖守之以死卒官世徹儻不羈大業末羣雄並起世徹所至見忌竟為兗州賊帥徐圓朗所殺權從叔烈字子將美儀容有器局位鷹揚郎將子德威別有傳

隋書本傳

劉行本沛人也父瓌仕梁歷職清顯行本起家武陵國常侍適蕭修以梁州北附遂與叔父璠同歸于周每以諷讀為事精力忘疲雖衣食之絕晏如也性剛烈有不可奪之志周大冢宰宇文護引為中外府記室武帝親總萬機轉御正中士兼領起居注累遷掌朝下大夫及宣帝嗣位多失德行本切諫忤旨出為河內太守高祖為丞相尉迥作亂進攻懷州行本率吏民拒之拜儀同賜爵文安縣子及踐祚徵拜諫議大夫檢校治書侍御史未幾遷黃門侍郎上嘗怒一郎於殿前答之行本進曰此人素清其過又小願陛下少寬假之上不顧行本於是正當上前曰陛下不以臣不肖置臣左右臣言若是陛下安得不聽臣言若非當致之於理以明國法豈得輕臣而不顧也因置笏於地

人物傳

司台徐州府志卷第二十一 正上 竟



而退上斂容謝之遂原所答者拜太子左庶子領治書如故皇太子虛襟敬憚時唐令則亦爲左庶子太子暉狎之每令以弦歌教內人行本責之曰庶子當匡太子以正道何有嬖昵房帷之間哉令則甚慙而不能改時沛國劉臻平原明克讓魏郡陸爽並以文學爲太子所親行本怒其不能調護每謂三人曰卿等正解讀書耳時左衛率長史夏侯福爲太子所昵嘗於閣內與太子戲福大笑聲聞於外行本時在閣下聞之待其出行本數之曰殿下寬容賜汝顏色汝何物小人敢爲褻慢因付執法者治之復以本官領大興令權貴憚其方直無敢至門者由是請託路絕法令清簡吏民懷之未幾卒官上甚傷惜之及太子廢上曰嗟乎若使劉行本在勇當不及於此無子隋書本傳

唐劉德威彭城人姿貌魁秀有幹畧隋大業末從裴仁基討淮賊手劔賊酋傳行在後歸李密密降俱入朝授左武衛將軍封滕縣公詔將兵擊劉武周俄爲武周所獲使率本部徇地浩州得自拔歸盡上賊中虛實高祖嘉納封彭城縣公貞觀初歷大理卿綿州刺史政號廉平百姓立石頌德尋檢校益州大都督府長史入爲大理卿太宗問曰比刑網寢密咎安在德威曰在君不在臣下之寬猛視主之好惡律失入者減三失出者減五今坐入者無辜坐出者有罪所以吏務深文爲自營計帝然其言後遷刑部尚書檢校雍州別駕終同州刺史永徽三年卒贈禮部尚書幽州都督諡曰襄陪葬獻陵德威於閨門友睦爲人寬平生所得俸祿以分宗親無畱藏新唐書本傳

人物傳

劉藏器徐州彭城人延祐從弟延祐見忠節傳高祖時為侍御史衛尉

卿尉遲寶琳脅人為妾藏器劾還之寶琳私請帝止其還凡再

劾再止藏器曰法為天下縣衡萬民所共陛下用舍繇情法何

所施今寶琳私請陛下從之臣公劾陛下亦從之今日從明日

改下何所遵帝乃詔可稍遷比部員外郎魏元忠稱其賢帝欲

擢任為吏部侍郎魏元同沮之出為宋州司馬卒新唐書文藝

劉易從審禮子審禮見孝友傳累遷彭城長史任城縣男永昌中為酷

吏周興誣搆坐死將刑百姓奔走爭解衣投地曰為長史祈福

有司平直乃十餘萬當時號孝義劉家及易從以非禍死天下

冤之子昇年十餘歲流嶺表六道使誅流人昇以信愛為首領

所庇免後易姓温北歸洛景雲中特授右武衛騎曹參軍開元

中累遷中書舍人太子右庶子昇能文善草隸新唐書劉

劉知柔藏器子性儉靜美風儀居親喪廬墓側詔築闕表之歷

國子司業累遷工部尚書開元六年河南大水詔知柔馳驛察

民疾苦及吏善惡所表陳州刺史韋嗣立汝州刺史崔日用充

州刺史韋元珪符離令綦母頊等止二十七人有治狀久之遷

太子賓客封彭城縣侯致仕給全祿終身遺令薄葬服用皆自

處其費贈太子少保諡曰文新唐書文藝劉延祐傳唐李邕贈

之常銓今之大寶或藉地因勢或經德自身或禮樂國工或詞

學時秀或貴盛終吉或等祀老成或廣孝聞家或納忠刑國有

一於是則百斯慶書於讀大其間劄乃總集高曾備致昆弟悉

數以周稱同原而合流息女擇於賢夫允子訓於良治首止光

龍出入震耀若此表裏者矣府君姓劉氏諱知柔字某彭城人

也其先府君母弟銀青光祿大夫左常侍崇文館學士修國史

子元按史牒推之楚孝王囂之後粵若伯璩談經景瑜志學令

言類邁王喬名理迴仁之撫接內使之節義是以嗣前人食舊

人物傳

劉知柔

德鼓簧史傳柱石邦家其來遠矣高祖魏驃騎大將軍北州刺  
史禪府君謚曰懿曾祖齊散騎常侍文林館學士岷府君祖朝  
君莫不都長忠學方簡質貞亮業行優絕為政理殊尤府君  
成莫不博達典學為海懿文為林鎮重為山幽靜為谷清淡事  
約言遣理深謙常後身儉不逼下至若儀形碩偉風神散逸立  
若尸祭坐若肅賓認金不爭鬪馬引罪公庭無以私議虛室造  
於元門遠遺之觀物則名顏子之問一知十無以過也嘗以為  
權器多豐儉察不祥變奪物性延集福根然後至精敏純全德  
固能崇化無兵火無德垂聲可也識者以為張華茂才或遠器雖  
日厚崇則無天年今府君二兼之一言得矣觀藝知巧觀器雖  
宅秋吉祿大來壽考休爵廬墳受錫表闕黨銅光復佐職艱貞  
拜荆府司馬史氏詳矣自皇運啟聖清途授德典國冑司人曹  
再山東巡撫加銀青光祿大夫同宋二州揚益二府一淮南廉察  
三司空轄有三公提其兩家卿有九公自屬國二年尚書有六公  
寄巡使有十載分爵有五公當侯伯之榮居守有一公兼宗祏之  
以養之義以行之慎慮以恤人關士以祈穀制日黃霸之奉法

循理錫以高車駟馬且平水土制曰出膺賢守則郡國循良入侯  
名臣則衣冠準的俾遷榮於北斗宜作範於南宮夫如是足  
以論道經邦助天開化增河海之渥澤近日月之景光府君止  
足發衷辭滿得地終讓入座還忌三旌聖上錄德序功養老懷  
爾崇德府君固乞骸骨退守田園恩命如第尚給全祿嗚呼日  
有景歲有除澤藏山風振海知伊人也矧伊人也春秋七十有  
五以開元十一年六月十五日遇疾薨於東都康俗里之私第  
皇情震悼追褒薦及制日簪纓舊德楨幹通才清以立身檢而  
率下出入三署綢繆兩宮曾不憚遺奄然喪逝言念遺老惻悼  
於懷宜寵贈章式旌泉壤可贈太子少保物二百段米粟各二  
百石葬日官供幔幕手力等太常考行謚曰文以某年月日葬  
于河南府緱氏縣景文山原禮也府君昔在平日深戒厚葬祖  
載服用子壻黃門侍郎宗子所營奉祠于某官某等追惟先  
志臨穴長號謹以焚之殆無遺香尚日史册者場乎名碑版者  
紀於迹今願抒哀敬却樵蘇發頌聲彰末嗣豈曰唯唯敢不十  
一於百焉其詞曰漢起沛楚封徐代則九慶實餘惟英秀粵卓  
萃勃文史張禮樂諫而尊道而勝集百祿延周稱貴自取榮可  
榮弟紫綬黃門如孝思後忠烈歷中外備名節歲滿長聲更  
揚隱屬國老文昌懷遠圖忌太盛謝人爵委天命月有虧日有  
辰皇恩動物情惻猗孝子奉惟訓服用薄哀榮順布史簡繼碑  
人物傳

石名教開  
幽名激

劉秩字祚卿知幾子知幾見文學傳開元末歷左監門衛錄事參軍稍

遷憲部員外郎坐小累下除隴西司馬安祿山反哥舒翰守潼

關楊國忠欲奪其兵秩上言翰兵天下成敗所繫不可忽房瑄

見其書以比劉更生至德初遷給事中久之出為閬州刺史貶

撫州長史卒所著政典止戈記至德新議等凡數十篇新唐書劉知幾傳

劉迴知幾子以剛直稱第進士歷殿中侍御史佐江淮轉運使

時新更安史亂迴餽運財賦力於職大歷初為吉州刺史治行

尤異累遷給事中新唐書劉知幾傳唐梁肅給事中劉公墓誌

當漢興諸侯王子孫唯楚為盛世為儒宗光耀史牒以至公大

父皇朝尚書比部郎中徐州刺史府君諱藏器徐州生烈考右

散騎常侍贈工部尚書居巢文公諱子元初文公儒為天下表

秩曰迅以述作之盛德行之美追蹤孔門曰葉與公用剛直明

毅璋於當時故言卿族者舉盛業以名其家公好學善屬文天

訪使歷大理評事解褐拜江都尉轉左金吾兵曹介江南西道探

未行改戶部員外郎尋佐江淮轉運使授著作郎加檢校戶部

郎中受任以饒運財賦為先而公亦飭躬莅職所到無不均故公

之患大歷初詔擇二千石遂授公吉州刺史三載績成徵拜諫

議大夫遷給事中移疾請告就醫於洛陽言若千以建中元

年七月某日終於某里私第嗣子某泣血孺慕以某月日奉公

之喪權窆於某原惟公貞方端肅居靜以通諷諭言發而王度

倨博聞強識樂善下人在諫司陳古今以通諷諭言發而王度

潛潤事行而天下莫聞及夫給事黃門釐舉典要壺遂之才未

展士安之病已深吾道豈窮大運斯止嗚呼始公兄祭酒秩功

在廬陵治行尤異則故相國厚善其終也趙郡李公華志焉泊公

金石試為斯文銘曰惟堯之緒在漢開楚導源兮惟公才明

剛中志行直道發兮累佐使臣一麾牧人遺愛結兮給事於中

遭命不融神理忽兮邱有夷淵有實舟斯失劍斯沒石不滅兮

人物傳

劉滋字公茂貺之子

見文  
學傳

通經術喜持論以蔭歷漣水合楊

綰薦材堪諫官累授左補闕後以司勳員外郎判南曹勳職奉

法進至給事中興元初以吏部侍郎知南選時大盜後旱蝗相

仍吏不能詣京師命滋至洪州調補以振職聞貞元二年擢左

散騎常侍同中書門下平章事明年罷又明年復爲吏部侍郎

尋奪階卒贈陝州大都督諡曰貞弟浹亦有學術

唐書  
本傳

王希夷徐州人孤貧好道父母終爲人牧羊取傭供葬畢隱於

嵩山師事道士得修養之術後居兗州徂徠山刺史盧齊卿就

謁因訪以政事希夷曰孔子云己所不欲勿施於人可以終身

行之矣元宗東封勅州縣禮致時年已九十六元宗令張說訪

其道義說甚重之以年老不任職事乃下詔曰徐州處士王希

夷絕聖去智抱一居貞久謝囂塵獨往林壑屬封巒展禮側席

旌賢賁然來思應茲嘉召雖紆綺季之跡已過伏生之年宜命

秩以尊儒俾全高於上齒可中散大夫守國子博士特聽還山

仍令州縣歲時贈束帛羊酒並賜帛一百匹

大  
唐  
新  
語

劉昌字公明彭城人天寶末從河南節度使張介然東討林胡

以勞署易州遂城府左果毅李光弼劉元佐繼鎮屢綰右職遷

開府儀同三司歷御史中丞太子詹事左散騎常侍工部禮部

尚書拒史朝義抗李希烈數著戰績擒翟暉虜鄭賁河汴之間

乃平貞元三年詔領宣武軍北出護邊俄拜本軍京西行營節

度使明年遷四鎮北庭行軍兼涇原節度使度支營田等使涇

州刺史西城平涼北城保定燧燧滅息與屯種闢墾麥禾蔽

人物傳

同治徐州府志卷二十二

野民吏樂從十二年就加尚書右僕射封南川郡王卒官

劉公神道碑銘并序惟南川郡王諱昌字公明貞師於安定十  
六歲歲直詣火夏五月甲子廢疾病考終命制詔謚以司空印  
綬而弔祠法賻稱焉於是內子諸孤宗姻家老盡誠信於內從  
事大吏倫侯亞旅展匍匐於外叶志會事拂龜露著象數皆得  
以條陳纖微必蒙於可報以冬十月丁酉返真宅於京師某原  
禮也公之先彭城人楚元王交之後夔國公宏基之族孫也大  
王父全慶皇州別駕王父達徐州長史父庭玉試太常卿贈  
徐州刺史三代醇靜不躋豐祿故天爵履露發祥於公公角犀  
燕領魁岸碩大思暮泉深盛氣揚休清明以虛受莊重而強立  
稟於端誠之謂義發於慮憲之謂仁揚天聲之謂武簡修方任  
之謂文事再居陪都三佐列藩以宮尹中執法以騎省亞丞相  
冬官宗伯比踐六職再受鉞而一撫封列王爵而食真賦終於  
端右節以論道其初守商邱援彭城下濮陽壁甯陵釋陳圍復  
梁野皆急病肆力威功自著起沮傷以奮擊化怪駭為休甯其  
守不可拔其功不可遏投難而智勇俱殫酣戰而奇正合發兵  
法日有必勝之將書曰存亡在所用其信然乎始從河節度  
使張介然東討林胡殺畧居多次從宋州刺史李岑打城半歲  
劇賊遁去又從臨淮王光弼河國公勉每月上效揚於軍鋒洎  
劉司徒元佐始擁節旄錫宣武之號以族屬勳力賈餘勇無前  
凡希烈之白甯陵走汴自非走蔡以至於此皆公之為貞元二

年以備師入千承詔護燕亦既旋旆俾當何所有尤違者連軌  
以徇天子壯其忠慨未幾徵還沃心前席饗禮命有建行師之  
節制自稟新書分上相之賦輿雷屯便地明年正月進律作藩  
形弓元甲物采備厚因六郡之氣俗用十連之教理入觀宣室  
詩城平涼屹為巨防乃拓故地而又險走集以禦寇徙邑居以  
便人夷境圉而制井疆斬荆棘以列達市貨力具舉農戰交修  
邊關棄地宴然富殖長幼養老沛然生聚鄰有墜師者濟之棄  
甲者納之凡涇人所未習者皆優為之涇土之所未產者皆  
茂遂之昆夷曠囂燿火訖息彼西土軌道繁吾謀實然理命不  
忘於信賞遺章備見其忠愫年止於六十五未極壽寵皇帝之  
所以恤然加等良有以焉夫人吳國夫人陸氏柔嘉綢直婦道  
明備長子殿中侍御史贈善有訓行與支子右衛軍府兵曹參  
子威衛騎曹參軍士涇慈善有訓行與支子右衛軍府兵曹參  
軍士修泊士良及士和等以德輿嘗受命類涇人聲詩馨香  
始終其傳信也孰將築樂石載徵菲詞中郎二碑竊善頌於無  
愧春秋五例冀終義於後經銘曰壘壘南川得時經武大君有  
命式是西土濯義於後經銘曰壘壘南川得時經武大君有  
冕涇俗以甯肆厥忠力秉茲義程凡在五符至於白徒制為田  
廬亦有賈區實墟實畝交贊令圖嘉生油油比屋愉昔誓偏  
師士皆致果如使臂指可蹈水火孰云危事決勝在我狂輿內  
江惡氛濛濛濁河而南或守或攻陳壁旣捷夷門乃通時惟南  
川實冠羣公乃分兵符乃鑿器服物昭庸天休滋至勞動心  
人物傳

同治後州府志卷第二十二

力宏大功利師則嚴終公惟盡瘁智氣冥冥發揚昭明下平

水土上助神靈輅葆參差邱封嶒嶸立此堅石於昭厥聲

劉仁師字行輿德威五世孫商猶子也長慶三年為高陵令抑

豪猾雪冤枉築新堰通水渠百姓盲其利名其渠曰劉公堰曰

彭城尋轉昭應令遷檢校屯田郎中兼侍御史

和四年高陵人李化清等六十三人思前令劉君之德請縣請

金石刻之揭於道周云涇水東行注白渠灑而為三以沃關中

故秦人常得善歲拔水部式決洩有時畎澮有度居上游者不

得擁泉而頤其腴兵興以遷寢失根本涇陽人果擁而頤之公

取全流浸原為畦私開四竇澤不及下涇田獨肥他邑為枯地

力既移地征如初人或赴訴泣迎尹馬而上涇之腴皆權侍家

榮勢足以破理詎者復得罪繇是昨舌不敢言長慶三年高陵

令劉君勵精吏治視人之瘼如瘡疽在身不忘決去乃修故事

考式文暨前後詔條又以新章請更水道入於我里請杜私竇

使無棄流請遵田令使無越制別自織悉列上使宜掾史依違

不決居二歲詔實元年端士鄭覃為京兆秋九月始具以聞

事下丞相御史屬元谷實司察視持詔書詣白渠上盡得

符同錄姚康上曹據李紹實成之際主簿談孺直實董之冬

陽人以奇計賂術士上言自渠下高祖故聖在焉子孫當恭敬

不宜以賂致前事又謁丞相請以類血汗車茵丞相彭原公即入

言上前翌日果有詔許訖役仲冬新渠成涉季冬二日新堰成

駛流渾渾如脈宣氣蒿荒溼膏迎新渠成涉季冬二日新堰成

有秋之期投錘前定孺直告已事君率其寮躬勞徠之悉徒謹

呼奮發禱而舞成日吞恨六十年明府雪之藹姦犯豪卒就施

為鳴呼成功之難也如是請名渠曰劉公而名堰曰彭城按股

引而東于七百步其廣四尋而深半之兩涯夾植杞柳萬本下

垂根以作固上生材以備用仍歲旱沴而渠下田獨有秋渠成

之明年涇陽三原二邑中又擁其衝為七堰以折水勢使下流

不厚君詣京兆索言之命從事蘇特至水濱盡撤不當擁者

繇是邑人高其長利生子以劉名之君諱仁師字行輿彭城人

武德名臣刑部尚書德威之五代孫大厯中詩人商之猶子少

人多僻錮上游兮乾我澤時逢理兮官得材墨綬紫兮劉君來  
能愛人兮恤其隱心既公兮言既盡縣申府兮府聞天積憤刷  
兮沈痾痊劃新渠兮百畝流行龍蛇兮止膏油遵水式兮復田  
制無荒區兮有良歲嗟劉君兮去翔翔遺我福兮牽我腸紀成  
功兮鑄美石求  
信詞兮昭懿績

劉沔字子汪徐州彭城人父廷珍以羽林軍扈德宗幸奉天以  
戰功官左驍衛大將軍東陽郡王廷珍少孤客振武節度使范  
希朝署牙將軍中大會沔捉刀立堂下希朝奇之召謂曰後日  
必處吾坐希朝卒入為神策將累遷大將軍擢涇原節度使徙  
振武開成三年突厥劫營田沔發萬人擊之賊一轡無返者武  
宗立遷檢校尚書左僕射回鶻寇天德詔以兵據雲伽關虜引  
去會昌二年掠太原振武天子使兵部郎中李拭視諸將能否  
拭獨稱沔乃拜河東節度兼招撫回鶻進屯雁門關虜寇雲州

沔擊敗其眾以還太和公主功加檢校司空劉稹阻命詔沔南

討屯榆社會王宰逗畱宰相李德裕表沔鎮河陽以滑兵二千

壁萬善居宰肘腋下激之使出軍稹平進檢校司徒徙忠武節

度使以太子太傅致仕卒贈司徒

新唐書本傳

石雄徐州人少為牙校敢毅善戰氣蓋軍中王智興討李同捷  
收棗州使雄先驅渡河鼓行無前徐軍惡智興苛酷謀逐之而  
立雄智興懼表雄為壁州刺史殺雄素所善百餘人誣雄陰結  
士搃亂文宗素知雄能不殺流白州徙為陳州長史党項擾河  
西詔雄隸振武劉沔軍破羌有勞會昌初回鶻入寇詔雄為天  
德防禦副使佐劉沔屯雲州沔與雄謀迎公主選沙陀李國昌  
及契苾拓拔雜虜三千騎夜發馬邑旦登振武城望之見罽車

人物傳



十餘乘從者朱碧衣謀者曰公主帳也雄潛使喻之曰天子取  
公主兵合第無動雄穴城夜出直搗烏介帳可汗大駭單騎走  
追斬萬級獲馬牛羊不貲迎公主還進豐州防禦使武甯李彥  
佐討劉稹逗畱以雄為晉絳行營諸軍副使助彥佐雄受命即  
勒兵越烏嶺破賊五壁斬獲千計雄臨財廉每朝廷賜與輒置  
軍門自取一匹縑餘悉分士伍由是眾感發無不奮武宗嘉之  
就拜行營節度使代彥佐徙河中稹危蹙其大將郭誼密獻款  
請斬稹首自歸眾疑其詐雄以七十人徑薄潞受誼降進檢校  
兵部尚書徙河陽後拜神武統軍卒

新唐書本傳

劉巨容徐州人為州大將龐勛之反自拔歸授瑄橋鎮遏使浙  
西突陣將王郢反攻明州巨容以筒箭射郢死拜明州刺史徙

楚州團練使黃巢劇荆南累遷山南東道節度使以扞巢屯團  
林江西招討使曹全晟與巨容守荆門關與賊戰巨容偽北巢  
追之伏與林樾間賊大敗執賊將十三人虜獲不可計巢浮江  
東奔巨容追之十俘八以功遷檢校禮部尚書後巢復熾陷兩  
京巨容合諸道兵討之授南面行營招討使累兼天下兵馬先  
鋒開道供軍糧料使檢校司空封彭城縣侯巨容明吏治時僖  
宗在蜀公卿多因巨容護赴行在後為田令孜所害

新唐書本傳

路審中徐吏也觀察使崔彥曾知其能頗任之彥曾為龐勛所  
害審中賂守卒斂藏其屍張元稹攻徐州審中率死士應官軍  
開南白門官兵入因得破勛後位嵐州刺史鄭畋謂審中節貫  
神明請擢為右羽林將軍

新唐書本傳

人物傳

劉巨容徐州人為州大將龐勛之反自拔歸授瑄橋鎮遏使浙

劉仕補彭城人官徐州功曹叅軍

唐張象劉公墓誌銘公諱仕  
奇開府知內侍省事父諱英閏特進大夫人楊氏妻張氏先終  
公有二女長適田氏次適張氏二男長曰壽郎先逝次曰齊宴  
年十二公氣含清韻獨異貞姿業廣藝深事皆天假孤標狀高  
松之拔眾林朗質若秋蟾之懸碧落温若克己節儉修身順協  
於家忠貞於國公寶歷二年六月五日奏授出身累叅選序數  
授令丞後任徐州功曹叅軍公紀綱一郡擇理六聯清貧而吏  
靡忍欺單步而人懷其惠操心政理美譽益彰枳棘非鸞鳳之  
所栖百里豈大賢之所任公性親元與志慕雲霞朝披黃老之  
書暮覽南華之要誼每厭蟬蛻歸元身既離於俗塵名定著  
於紫府公咸通七年十二月一日終於輔興里春秋八十矣八  
年正月二十五日葬於長安縣龍首鄉祁村嗚呼寒暑忽侵纏  
綿數載鍼藥無廖百齡斯泯嗟夫盛衰生死實可痛哉乃為銘  
曰波瀾不息逝水潺湲浩浩悲風落枝何遶千年永訣一往無還

候選訓導崔丹桂校

同治徐州府志卷第二十二上之中  
人物傳

五代梁朱全昱碭山人梁太祖兄太祖與仲兄存俱為盜全  
昱獨與其母寄食劉崇家太祖已貴乃與其母俱歸宣武領嶺  
南西道節度使以太師致仕太祖將受禪有司備禮前殿全昱  
視之顧太祖曰朱三爾作得否太祖燕居宮中與諸王飲博全  
昱酒酣取骰子擊盆而進之呼太祖曰朱三爾碭山一百姓遭  
逢天子用汝為四鎮節度使於汝何負而滅唐家三百年社稷  
吾將見汝赤其族矣安用博為太祖不悅罷會全昱亦不樂在  
京師常居碭故里

人物傳

同治徐州府志卷第二十二上之中

朱珍徐州豐人也

五代史珍豐  
縣雍鳳里人

少與龐師古等俱從梁太祖

為盜珍為將善治軍選士太祖初鎮宣武珍為太祖創立軍制  
選將練兵甚有法太祖得諸將所募兵及佗降兵皆以屬珍珍  
選將五十餘人皆可用梁敗黃巢破秦宗權東并兗鄆未嘗不  
在戰中而嘗勇出諸將義成軍亂太祖遣珍以兵趨滑州道遇  
大雪珍趣兵疾馳一夕至城下遂乘其城義成軍以為方雪不  
意梁兵來不為備遂下之是時梁兵尚少數為秦宗權所困太  
祖乃拜珍淄州刺史募兵於淄青得兵萬餘以歸太祖乃出兵  
擊敗宗權將張晁等宗權由此敗亡而梁軍威大振珍從太祖  
攻朱宣取曹州又取濮州太祖攻徐州遣珍先攻下豐縣又敗  
時溥於吳康與李唐賓等屯蕭縣太祖疑珍有異志遣唐賓伺  
察之珍與唐賓不協斬唐賓遣使者告唐賓反太祖囚如珍軍

去蕭一舍珍迎謁太祖命武士執之遂縊死五代史本傳

劉鼎字公度徐州蕭縣人祖秦蕭縣令父崇梁太祖微時常備  
力崇家及即位召崇用之歷殿中監商州刺史崇之母撫梁祖  
有恩梁氏號為國婆徐宋之民謂崇家為豢龍劉家鼎起家為  
大理評事歷尚書博士殿中侍御史起居郎清泰中自吏部員  
外郎出為渾州人為刑部郎中充鹽鐵判官改吏部郎中兼侍  
御史知雜事乾佑初拜諫議大夫卒年五十五鼎善交遊能談  
笑居家仁孝事繼母趙氏甚謹異母昆仲凡七人撫之如一性  
若寬易而典選曹按吏有風稜人稱為能舊五代史漢書本傳  
南唐翟虔彭城人也乾甯初徐方將陷虔盡室南渡謁行密於  
廣陵及徐溫典右衛以虔為軍佐屬張顥之亂溫與嚴可求陰  
人物傳

計其事密遣虔往復傳道及誅顥虔有力焉因授子城甲仗諸  
庫院鈐轄等使天祐十五年宋瑾殺徐知訓挈首突入府門時  
兵衛倉卒莫敢抗禦虔驅率散卒共閉關瑾以是不得出遂踰  
垣折足自刎而死會木志誠引十餘騎問瑾所向聲言以襲瑾  
為名虔乘圍謂曰瑾已戮矣何不急自歸營因是志誠遂返温  
喜其應機却賊以瑾宜陵莊賜虔為賞及吳國建復旌其勛授  
閭門宮城武備等使領光州刺史宮內諸王須索虔多阻限不  
時進納温欲斬之為溥救護而免黜於撫州未幾授行軍副使  
及廉使徙任虔知本州軍事七年卒年六十三

九國志

張延翰字德華宋州碭山人少游長安後避亂江淮事吳為鹽  
城令有治績遷楚州行軍司馬烈祖輔政以延翰為工部郎中

判江州入為知雜侍御史左街使張宣恃功驕暴延翰劾之由  
是豪猾屏跡遷禮部侍郎時貢院未備士有獻書可采者隨即  
考試公平詳審士論美之兼知選事吏不容奸畏之如神明進  
擢孤寒不附貴勢元宗輔政大臣中唯重延翰謂左右曰張君  
凡所議論必盡公正咸有條理至於簿領無不明白吾得傾心  
信之由是六司總領殆遍及禪代拜中書侍郎平章事延翰有  
時望當其作相人以為晚既而多病機務廢闕烈祖素以國器  
推重不許免相醫藥勞問不絕於道卒年五十七士大夫歎惜  
之贈太傅

馬令南唐書本傳

馬仁裕

馬令南唐書字德寬

徐州人唐北平王燧裔孫世為武甯軍校仁

裕母方娠夢傳呼北平王來歸及生紫氣充庭數歲學兵法通  
人物傳

解若素習遇亂南奔事烈祖爲昇州牙吏烈祖領潤州仁裕監隸山渡首聞朱瑾之亂馳入向之烈祖即日渡江定亂以功遷領軍歷楚州刺史右金吾大將軍烈祖代吳拜潤州節度使徙廬州爲政寬簡廉平甚得民心昇元六年卒於鎮初烈祖左右小臣親信者惟周宗及仁裕兩人任遇略等宗力贊禪代事遂輔政其後富盛冠一時仁裕資長者獨退然安於外鎮晚益貧窶不悔也卒年六十三諡曰匡陸游南唐書本傳

馬文義仁裕子以蔭授千牛備身建州之役隸祖全恩爲判官既下建州將吏皆入府庫爭取金具文義獨收民籍歸幕故建雖經亂而民皆安堵文義與有力焉遷讚善大夫卒子禹昌甫二歲妻朱氏大將軍業女也賻贈一無所受蓋其廉如此故能

率其妻如此

馬令南唐書本傳

宋劉福徐州下邳人少儻魁岸有膂力周顯德中世宗征淮南福徒步謁見於壽春世宗奇之因留麾下每出戰令福率衛士爲先鋒與破紫金山砦淮南平錄功授懷德指揮使宋初遷橫海指揮使率所部由峽路征蜀比至成都孟昶已降大將王全斌部送降卒至綿州降卒盜庫兵劫蜀舊將全師雄以叛攻城甚急福領所部與田紹斌出賊不意夾擊之賊衆大潰以功授虎捷都虞候繼隸曹彬麾下平江南還授指揮使領蔚州刺史從太宗克并汾遷馬步都軍頭武州團練使端拱初出爲洛州防禦使二年改雄州兼本州兵馬部署雄州地控邊塞常屯重兵福至部繕完城壘出私錢以資宴犒寇雖大至恃以無恐

人物傳

同治徐州府志卷之三十一

四

濱化初遷涼州觀察使判雄州事卒年六十四贈太傅福雖不學而御下有方略為政簡易人甚德之領雄州五年郡境甯謐福既貴諸子嘗勸起大第福怒曰我受祿厚足以儼舍以庇汝曹既無尺寸功以報朝廷豈可營度居室為白安計乎卒不許既死上聞其言賜其子白金五千兩使市宅

宋史本傳

劉濤字德潤徐州彭城人後唐天成中舉進士釋褐為鳳翔掌書拜右拾遺賜緋出為山南東道節度判官召為左補闕遷起居舍人晉天福初改司勳員外郎史館修撰遷工部郎中賜金紫歷度支職方二郎中掌左藏庫漢初宰相蘇禹珪荐為中書舍人周廣順中左遷少府少監分司西京顯德初就改太常少卿俄拜右諫議大夫恭帝即位遷右詹事濤性剛毅不撓素與

宰相范質不協常鬱鬱不得志遂退居洛陽之清化里杜門以書史自娛太祖素知濤履行開寶二年召赴闕以老病求退授秘書監致仕年七十二卒清泰初中書舍人盧導受詔主文將鎖宿濤力荐薛居正以為文章器業必至台輔導取之後果為相世稱其知人子頊監察御史頊子晟晟子訥譚並進士及第至屯田員外郎訥為殿中侍御史

宋史本傳

郭廷謂字信臣徐州彭城人父全義仕南唐為濠州觀察使廷謂幼好學工書善騎射補殿前承旨改濠州中軍使全義卒擢莊宅使濠州監軍周世宗攻淮右南人屢敗城中甚恐廷謂與州將黃仁謙為固禦之計周師遣謀以鐵券及其壘廷謂拒之城

中負販之輩率不逞廷謂慮其亾逸籍置大寺遣兵守之給人物傳

日食俾製防城具隨其所習以故周師卒不得覘城中虛實周師爲浮梁渦口命張從思焦繼勳守之廷謂輕權銜枚抵其橋麾兵斷竿悉焚之周師大屺死者不可計焚其資糧而還以功授武殿使周師退保定遠又募壯士爲負販狀入定遠偵軍多寡及守將之名又籍鄉兵萬餘洎卒五千日夕訓練依山銜枚設伏以破之周師大潰時有以玉帛子女餉廷謂者悉拒之唯取良馬二百匹以獻以功爲滁州刺史紫金山之戰南唐諸將多歸降者獨廷謂以全軍還守濠州追不能及時濠守欲弃城走廷謂止之俄加本州團練使繕戈甲治溝壘常若敵至是秋周師復至表于景請援且言周師四臨乞卑辭請和以固鄰好夜出敢死士千餘襲周焚頭車洞屋周師蹂踐死者甚眾旣而

援兵不至周師急擊廷謂集諸軍壘門之外南望大慟而降于周拜亳州防禦使以其弟本州馬步都校廷讚爲和州刺史命攻天長軍降其將馬贛又爲樓櫓戰櫂左右廂都監俄歸譙郡宋初從征上黨再知亳州乾德二年代還改絳州防禦使兩川平召廷謂爲靜江軍節度觀察畱後州承舊政有莊宅戶車腳戶皆隸州將鷹鷄戶日獻雉兔田獵戶歲入皮革又有鄉將都將鎮將輩互擾閭里廷謂悉除之開寶五年卒年五十四廷謂性恭謹事母以孝聞未嘗不束帶立侍廷謂兄廷諭仕南唐爲太子洗馬致仕宋初至秘書廷諭子延澤

宋史本傳

郭延濬字利川廷謂子幼謙和爲桂州牙內都指揮使廷謂卒太祖錄延濬爲供奉官屢使西北宣諭機事雍熙三年改崇儀

人物傳

使詔與翟守素田仁朗王繼恩往河北分路按行諸州城壘發  
鎮兵葺之淳化四年李順亂改西京作坊使充成都十州都巡  
檢使時成都將陷延濬單騎入城與郭載議募士卒退保劍門  
賊數千來躡其後擊破之王繼恩率兵至以延濬爲先鋒壕砦  
使卽領兵倍道先進賊出探騎數十延濬悉禽之盡得賊機事  
延濬易旗變號賊不知覺斬關掩入斬千餘級繼恩又請延濬  
知漢州州經兵燹廨舍橋梁城砦悉毀延濬募軍民葺之又率  
州帑以應軍須錄功改洛苑使又命率兵屯遂州劍門鈐轄轉  
運使劉錫言其勞詔書嘉獎眞宗初改內園使代還會河朔用  
兵延濬馳往邊城按視砦壘咸平二年疾卒子有倫爲供奉官  
閭門祇候宋史郭延濬傳

王漢忠字希傑徐州彭城人少豪蕩有膂力形質魁岸善騎射  
節帥高繼沖欲召至帳下漢忠不往因毆殺里中少年遂亾經  
宿復蘇其父遣人追及於蕭縣漢忠不肯還西至京師太宗在  
藩邸召見奇其材力置左右卽位補殿前指揮使累遷內殿直  
都知從征太原先登流矢中眸戰益急上壯之遷東西班指揮  
使端拱二年以侍衛馬軍都虞候領洮州觀察使高陽關副都  
部署契丹南侵漢忠合諸軍擊敗之斬馘甚衆咸平三年遷侍  
衛馬軍都指揮使改鎮守高陽關都部署三路排陣使契丹掠  
中山漢忠率諸將陣於野契丹遁追斬甚衆獲其貴將加殿前  
副都指揮使改領保靜軍節度五年命爲邠甯環慶兩路都部  
署李允正宋沆爲鈐轄領戍兵二萬五千人委漢忠分道控制

人物傳



數月召還坐違詔無功責為左屯衛上將軍出知襄州未上道卒贈太尉以其長子內殿崇班從吉為閣門祗候次子從政從益為左右侍禁漢忠有識略軍政甚肅每行師詰旦必行香祝曰願軍民無犯吾令違者一毫不貸故所部無盜性剛果不務小節輕財樂施好讀書頗能詩喜儒士待賓佐有禮名稱甚茂以是自矜尚羣帥不悅漢忠沒後其子從吉詣闕上書訟父冤不實坐除名配隨州

宋史本傳

牛冕字君儀徐州彭城人進士解褐將作監丞通判彬州遷太常丞知徐州以勤政聞召歸轉監察御史端拱元年召試文章遷左正言直史館出知潤州遷福建轉運使加左司諫建議廢邵武軍歸化金坑土人便之至道初召入進秩兵部員外郎改

工部郎中永熙陵復土命為儀仗使時三司各設官局多不均濟冕請合為一使分設其貳則事務不煩而辦其後卒用冕議咸平元年選知益州仍拜右諫議大夫成卒嘯集為亂冕與轉運使張適委城奔漢州坐流儋州移欽英二州歷鄂海二州別駕淮南節度副使大中祥符初真宗語宰相曰冕素純善黜弃久矣量宜甄敘即起知漣水軍俄復為祠部員外郎卒年六十四子昭儉至殿中丞

宋史本傳

李若谷字子淵徐州豐人少孤游學依姻家趙况於洛下遂葬父母緱氏舉進士補長社縣尉州葺兵營課民輸木檄尉受之而吏以不中程多退斥苛苦輸者欲以取財若谷度材別其長短大小為程置庭中使民自輸改大理寺丞知宜興縣官市湖

人物傳

同治後州志卷之二  
八  
泆茶稅歲納戶稅爲多少率取足貧下若谷始置籍備勾檢茶  
惡者舊沒官若谷使歸之民許轉買以償其數知連州通判毫  
州累遷度支員外郎權三司戶部判官出爲京東轉運使徙知  
陝州盜聚青灰山久不散遣衙吏持榜招諭之盜殺其黨與得  
歸改梓州天聖初判三司戶部勾院使契丹罷知荆南士族元  
甲恃蔭屢犯法若谷杖之曰吾代若父兄訓之爾王蒙正爲駐  
泊都監挾太后姻橫肆若谷繩以法監司右蒙正徙若谷潭州  
洞庭賊數邀商人船殺人輒投屍水中嘗捕獲以屍無驗每貸  
死隸他州旣逃歸復攻劫若谷擒致之磔於市自是寇稍息累  
遷集賢殿修撰知滑州尋知延州州有東西兩城夾河秋夏水  
溢岸輒圯役費不可勝紀若谷乃置石板爲岸押以巨木後雖

暴水不復壞官倉依山而貯穀少若谷使作露囤囤可貯二萬  
斛他郡多取法焉遷給事中知壽州加集賢院學士知江甯府  
還勾尙三班院進龍圖閣直學士知河南府進尙書工部侍郎  
龍圖閣直學士知開封府拜參知政事以耳疾辭位以太子少  
傅致仕卒年八十謚康靖若谷性資端重在政府議論常近寬  
厚治民多智慮愷悌愛人其去多見思少時與韓億爲友及貴

顯婚姻不絕焉子淑

宋史本傳

李壽朋字延老淑子

淑見文學傳

慶厯初與弟復圭同試學士院賜

進士出身判吏部南曹使行諸陵奏言昭憲皇后誕育二聖爲  
國文母獨以合葬安陵不及時祭請更其禮從之遷羣牧判官  
擊斷敏甚出知汝州盡推職田之入歸前守楊畋死又經理

人物傳

同治後州志卷之二

八

其家歷開封府推官戶部判官知鳳翔府滄州滄地震壞城郭  
帑庾壽朋以席為屋督吏索繕葺未數月復其舊括蕪田三萬  
頃縱民耕擇其壯者使習兵河方北涌隨塞之故道陞壽朋度  
必東潰諭居人徙避後三縣四鎮果墊焉司馬光出使薦其能  
加直史館入直舍人院同修起居注進戶部鹽鐵副使暴得疾  
卒詔中使撫其孥賜白金三百兩

宋史李若谷傳

李復圭字審言壽朋弟通判澶州知滑州徙相州自太宗時聚  
夏人降者五指揮號廳子馬子弟相承百年無他役復圭斥不  
如格者選能騎射士補之為度支判官知涇州始時二稅之入  
三司移折已重轉運又復折之復圭為奏免民立生祠歷湖北  
兩浙淮南河東陝西成都六轉運使以給衙前役多破產復圭

悉罷遣歸農令出錢助長召人承募民便之瀕海人賴蛤沙地  
以生豪家量受稅於官而占為己有復圭奏蠲其稅分以予民  
熙甯初進直龍圖閣知慶州歲餘知光化軍召判吏部流內銓  
知曹蔡滄州還為鹽鐵副使以集賢殿修撰知荆南卒復圭臨  
事敏決稱健吏與人交不以利害避然輕率躁急無威重喜以  
語侵人獨為王安石所知故既廢即起

宋史李若谷傳

劉湜字子正徐州彭城人舉進士為澶州觀察推官累遷太常  
博士通判劍州審閩州獄活死囚七人王堯臣安撫陝西荐之  
擢知耀州富平有盜掠人子女者既就擒陽死伺閒逸去捕得  
復陽死湜趣焚其屍拜監察御史歷開封府推官三司鹽鐵判  
官遷殿中侍御史上言轉運使倚撫郡縣苛束官吏人不得騁

人物傳

其材宜稍寬假不為改者繩治之遷戶部員外郎復為鹽鐵副使兼領河渠事汴水絕鑿河陰新渠通漕運如故會江南飢擢天章閣待制知江甯府奏運蘇州米五十萬斛以貸飢民除戶部郎中知廣州儂智高初平湜練士兵葺械器作鐵鎖斷江路有盜據山敕貸罪招之不肯降湜知並山民資之食即徙民絕餉盜困蹙乞降二年母老求內徙遂徙徐州湜喜曰昔布衣隨計今以待從官三品復典鄉郡過始望矣又以左司郎中知鄆州遷龍圖閣直學士知慶州湜少賤母更嫁營卒既登第具袍笏趨卒舍迎母里人觀歎然嗜酒持法少恕改知密州以病卒

宋史本傳

晁宗慤字世良迥子

迥見文獻通考

以父蔭為秘書省校書郎屢獻歌

頌召試賜進士及第除館閣校勘三遷大理寺丞集賢校理兼注釋御集檢閱官迥領西臺宗慤求便養通判許州仁宗即位遷殿中丞同修起居注天聖中百官轉對宗慤請減上供墾閒田擇獄官令監司舉縣令累遷尚書祠部員外郎知制誥宋綬嘗謂自唐以來唯楊於陵身見其子嗣復繼掌書命今始有晁氏焉後入翰林為學士兼龍圖閣學士權發遣開封府事辨雪疑獄有能名元昊反以宗慤安撫陝西與夏竦議攻守策未還遂拜右諫議大夫參知政事會朝廷以金飾胡床及金抹器賜唎厮囉宗慤曰仲叔子奚辭邑請繁纓孔子曰不如多與之邑繁纓諸侯之馬飾猶不可與陪臣况以乘輿之器賜外臣乎必欲優其禮不若加賜金帛後從帝祠感疾數日卒贈工部尚書

人物傳

同治後州府志卷第三十二之甲

十一

謚文莊宗慈性敦厚事父母孝篤於故舊凡任子恩皆先其族人在翰林一夕草將相五制褒揚訓戒人得所宜嘗密詔訪邊策陳七事頗施用之宋史晁迥傳

張天驥字聖塗彭城人隱居雲龍山西麓自號雲龍山人郡守

蘇軾與之游天驥父字希甫母李氏施注蘇詩蘇軾題張希甫墓志後云余為徐州始識

張希甫父子元年之冬李夫人病沒徐人多言其賢天驥出其母手書數十紙紀浮屠道家語筆迹不類婦人是時希甫年七十辟穀導引飲水百餘日甚瘠而不衰目瞳子炯然余不忍天驥之憂懼乃告之願以時飲食慰子孫之意希甫強為余食然無復在世意後二年沒知其夫婦皆超然世外者矣

劉庠字希道彭城人八歲能詩蔡齊妻以子申進士第為高密

廣平院教授英宗求直言庠上書論時事帝以示韓琦琦對云未識帝益嘉重除監察御史裡行日食甫數日苑中張具待幸

庠言非所以祈天戒詔罷之會聖宮修仁宗御殿甚宏麗庠言天子之孝在繼先志隆大業不在宗廟之靡宜損其制以昭先帝儉德奉宸庫被盜治守藏吏庠言皇城幾察厲禁實近侍主之當并按仁宗外家李珣犯銷金法庠奏言法行當自貴近始帝不豫儲嗣未正庠拜疏謂太子天下本漢文帝於初元即為無窮計穎王長且賢宜亟立使日侍禁中閱四方章奏帝皆行之神宗立遷殿中侍御史為右司諫奉使契丹故事兩國忌日不相避契丹張宴白溝日常英宗祥祭庠句免契丹義而聽之除集賢殿修撰河東轉運使進天章閣待制河北都轉運使契丹侵霸州土場或言河北不可不備庠上五策料其必不動已而果然移知真定府又為河東都轉運使召知開封府庠不肯

人物傳

屈事王安石安石欲見之戒典謁者曰今日客至勿納惟劉尹  
 來即告我有語庠者曰王公意如此盍一往見庠謂見之何所  
 言自彼執政未嘗一事合人情脫問青苗免役將何辭以對竟  
 不往奏論新法神宗諭之曰奈何不與大臣協心濟治乎庠曰  
 臣知事陛下不敢附安石會與蔡確爭廷參禮出知太原府遭  
 母喪服終知成都府移江甯府滁州徙永興軍時西征無功關  
 內騷動庠過關力言虛內事外恐搖根本帝感納其忠元祐初  
 加樞密直學士知渭州卒年六十四宣仁聞之曰帥臣極難得  
 劉庠可惜也庠有吏能淹通歷代史王安石稱其博卒後蘇頌  
 論庠治平建儲之功詔褒錄其子

宋史本傳

錢秉淮陽人知武功愛民慎罰民畏之如神明私無敢犯令者

三年卒于官

原海武功縣志

鄭僅字彥能徐州彭城人第進士為大名司戶參軍畱守文彥  
 博以為材部使者檄往他郡彥博曰如鄭參軍詎可令數出奏  
 改司法遷冠氏令河決府西檄夜下調夫急僅方關保甲盡籍  
 即行先他邑至決遂塞使者怒劾之畱守王拱辰爭於朝曰微  
 冠氏城民魚矣猶坐罰金時河朔飢盜起獨冠氏無之且不入  
 境他邑獲盜詰治之盜因言鄭冠氏仁故相戒不犯爾知福昌  
 縣復值歲飢悉意振貸民不流亾當第賞不肯自列提舉京東  
 常平入為戶部員外郎至太府卿加直龍圖閣為陝西都轉運  
 使論餽餉河湟功進集賢殿修撰顯謨閣待制改知甯州諸軍  
 多殺老弱持首要賞僅下令非強壯而能生致者賞半之有內

人物傳

同治徐州府志卷之三十三

三

附羞追寇得老人不忍殺擒之乃其父也相持哭一軍感動時諸路爭進討奏捷僅獨保境不生事寇一不犯徙秦州復為都轉運使召拜戶部侍郎改吏部侍郎知秦州以顯謨閣直學士通議大夫卒年六十七贈光祿大夫諡曰修敏子望之

宋史本傳

鄭望之字願道少有文名山東皆推重登進士第自陳畱簿累遷樞密院編修官歷開封府儀工戶曹以治辦稱臨事勁正不受請託官寺有強占民田者奏歸之蔡京子欲奪人妾使人諭意望之拒不受除駕部員外郎兼金部靖康元年金人攻汴京假尚書工部侍郎為軍前計議使建炎中詔望之為戶部侍郎尋轉吏部侍郎論王雲之寃帝為感動復雲元官與七子恩澤尋兼主管御營司參贊軍事紹興二年以徽猷閣待制致仕七

年召赴行在望之以衰老辭升徽猷閣直學士復致仕三十一

宋史本傳

賈沔字師道蕭人仕為光澤主簿雅重儒術招賢士以教子姪出已貲以建縣學嘗於聖泉上構拱翠堂延四方名人晁補之為之作記沔子明遠姪敦禮咸有家風沔祀鄉賢

舊志

姚孝錫字仲純豐縣人政和四年登第調代州兵曹金兵入雁門州將議以城降官屬畏怯投死無所孝錫偃卧大射略不為意金帥就注五臺簿未幾移疾去因家五臺善治生歲饑出家粟萬石以賑多所全活晚以詩酒自娛自號醉軒

王文昌豐縣人宣和中為屯田郎中尋貶温州司戶復起為郎遷浙東節度副使

豐志

李處全太常丞徐州人王堯臣天聖五年狀元及第礪山人宋章元豐八年登第豐縣人邵化化子奎孫敏能三人見邵世矩墓銘沛縣人全希賢全輔國唯甯人皆宋進士

南宋宋汝為字師禹豐縣人靖康元年金人犯京師闔門遇害汝為思報國家及父兄之讎建炎三年金人再至謁部使者陳邊事遣對行在高宗嘉納特補修武郎假武功大夫開州刺史奉國書副京東運判杜時亮使金時劉豫節制東平丞相呂頤浩因致書豫汝為行次壽春遇完顏宗弼軍不克與時亮會獨馳入其壁將上國書宗弼盛怒劫而縛之欲加慘辱汝為一無懼色曰死固不辭然銜命出疆願達書吐一辭死未晚宗弼顧汝為不屈遂解縛延之曰此山東忠義之士也命往見豫汝為

曰願伏劍為南朝鬼豈忍背主不忠於所事力拒不行乃至京師瀕死者數四豫僭號汝為持頤浩書與之開陳禍福勉以忠義使歸朝廷豫悚而立曰使人使人使豫自新南歸人誰直我獨不見張邦昌之事平業已至此夫復何言即拘留汝為然以汝為儒士乃授通直郎同知曹州以誘之固辭遂連結先陷于北者凌唐佐李巨李儔為腹心以機密歸報朝廷唐佐等所遣僧及卒為邏者所獲汝為所遣王現邵邦光善達朝廷皆官之紹興十三年汝為亡歸作恢復方略獻于朝且曰今和好雖定計必背盟不可遽弛時秦檜當國置不復問獨禮部尚書蘇符憐之為言于朝換宣教郎添差通判處州轉通直郎上書言時事後有告汝為于金以蠟書言機事金人索不獲尋知南歸檜

人物傳

司台徐州府志卷第三十一



將械送金人汝爲變姓名爲趙復徒步入蜀汝爲身長七尺疎眉秀目望之如神仙楊企道遇之溪上企道曰必奇士也款畱之見其議論英發洞貫古今靖康閒離亂事歷言之企道驚遂定交假僧舍居之檜死汝爲曰朝廷除此巨蠹中原恢復有日矣企道勸其理前事汝爲慨然太息曰吾結髮讀書奮身一出志在爲國復讎收還土宇頗爲諸公所知命繆數奇軋於權臣今老矣新進貴人無知我者汝爲能知死期嘗祭其先終日大慟將終神氣不亂汝爲倣尙氣節博物洽聞飲酒至斗餘未嘗見其醉或歌或哭涕淚俱下其妻錢莫知汝爲死詣登聞鼓院以狀進詔索之不得隆興二年其子南強以汝爲之死哀懇于朝參知政事虞允文錢端禮以聞特官一子有忠嘉集行世

宋史本傳

葛萬淮陽宿預人後徙楚州紹興辛巳胡塵不靖倡率鄉人子弟立忠義軍自稱統領時魏勝據海州楚守遣萬往游說語言不相投遂爲怨偶欲致之死地萬窘而南竄三年因獲反者蕭榮補閣門祇候充沿淮都巡檢死於官

張堅志已集

王垂裕宿遷人太學生高宗南渡隨至建康及定都臨安遂卜居於青浦縣之青龍紹興閒秦檜主和議稱臣納幣率同列上書切諫檜大怒削籍爲民孝宗立銳志復讐復上書上採其言擢爲錢塘教授嚴立學規士風丕變入爲正言時湯思退當國復主和議垂裕劾其奸邪誤國斥爲某邑縣丞廉能有惠政士民爲立祠後告歸長子大業慷慨尙義修文廟出粟賑饑者大

人物傳

吏嘉其義特疏旌獎青浦縣志

金邵世矩字彥禮沛人父敏德仕宋為開州司戶靖康末兵革

擾亂世矩孤處鄉中食貧誦讀家無文籍惟存戴禮一帙治之

遂貫通焉齊阜昌時以廷試第一人授承事郎單州僉事歷仕

金至河中府推官中靖大夫遂致仕歸世矩天資端慤居官廉

直以儉約自節所在皆有治績不阿事上官雖在常調亦不苟

進守道恬淡有古君子之遺風皆棟中靖大夫邵公墓志銘先

至石晉之亂徙沛因家焉曾祖通奉諱化伯祖金紫諱奎伯父

朝請諱敏能皆進士登第俱累典大郡父儒林諱敏德任開州

司戶宋末兵革擾亂家事索然宗族解散先生孤處鄉中多難

劇貧而無他念惟務讀朝夕不輟夜乏膏油縣君時與燃薪

繼精勤不知寒暑初則治詩後無文籍惟存戴禮全帙遂改

治焉曾不數載以至精通迨廢齊阜昌六年開闢應試作兗州

解元省試第二人廷試第一甲第一一人登第時年三十有六

授承事郎單州僉事在皇統三年授祿州防判次在冠氏縣

令次任京兆府推次任朝城縣令未任河中府推官逾歲而致

仕官至中靖大夫先生性資端慤居官廉直秋毫無犯自儉約

為節所在屢有治績雖州牧侯伯亦不阿事常不以進為念所

樂者詩書而已故在常調亦不苟進年纔六十有三遽然告致

而歸守道恬淡真古君子所為年六十有七時丁亥歲八月三

日因病而逝有男六人長曰敦仁與佑俱侯佐傅女四人孫二

十一人曾祖通暨父儒林皆先葬夏村西北狼石溝東岸緣

舊塋溯河水漲侵近大定三十八年歲次戊申二月六日別葬

先生於泗河之灣始娶鄧氏病卒再娶許氏後娶王氏皆封博

陵縣君因耐葬焉學生嘗棟幼蒙教養稔聞先生行狀諸子昆

仲令棟作志辭不獲已姑述大槩以應其命為之銘曰甘棠餘

志退能保身完名

高節耀乎縉紳

毛端卿字飛卿矩子矩入忠節傳少有志節自父祖以廉介自

持家甚貧年二十負書從劉蟠游備歷艱苦蟠知其有成傾意

教之初中經義解魁登泰和三年進士第調嶧縣簿摧折豪右

姦民斂手官委排比戶計貧富適當甚有遺愛貞祐三年入為

人物傳

徐州府志卷之三十三

七

尚書省令史雒陽多流亾當官者不善撫治端卿以風力選注  
河南府錄事判官果以政跡聞召為戶部勾當官復授同提舉  
南京路樵貨兼戶部員外郎馳驛襄葉值監察御史以私忿誣  
陷左降再調孟津縣丞冤憤疾卒年六十子思適以蔭再仕酒

官元遺山集

邵邦哲礪山人金時為扶溝縣主簿有政績揚善化民有古循

吏風礪山志引扶溝縣志

王立蕭縣人仕為沛令以廉節剛方稱於時州志

楊惟良蕭人官至中奉大夫行省參政封弘農郡侯明一統志

武之才蕭人朝散大夫德州防禦使車騎都尉太原縣開國男  
食邑三百戶賜紫金魚袋蕭縣志

劉賢佐徐州人金進士高煥大定時登第九底轄長壽奴故文  
時登第沛人銅山志沛縣志

元徹里燕只吉臺氏曾祖大赤為馬步軍都元帥從太祖定中  
原以功封徐邳二州因家于徐徹里幼孤博學察氏教以讀書  
至元十八年世祖召見應對詳雅悅之俾常侍左右民間事時  
有所咨訪從征東北邊還因言大軍所過民不勝煩擾寒餓且  
死宜加賑給帝從之乃賜邊民穀帛牛馬有差賴以存活者眾  
擢利國監二十三年奉使江南省風俗訪遺逸時行省理財方  
急責所在學田以價輸官徹里曰學田所以供祭祀育人才也  
安可鬻遽止之還朝以聞帝嘉納焉二十四年分中書為尚書  
省桑哥為相引用黨與中外騷動廷臣顧忌皆莫敢言徹里乃

人物傳

於帝前具陳桑哥姦貪誤國害民狀辭語激烈帝大悟即命率羽林三百人往籍其家得珍寶如內藏之半桑哥既誅復奉旨往江南籍桑哥姻黨皆棄市天下大快之徹里往來凡四道徐皆過門不入進拜御史中丞俄陞福建行省平章政事賜黃金五十兩白金五千兩汀漳劇盜歐狗久不平遂引兵征之號令嚴肅所過秋毫無犯有降者則勞以酒食而慰遣之他柵聞之悉款附未幾歐狗為其黨縛致于軍梟首以徇脅從者不戮一人汀漳平三十一年帝不豫徹里馳還京師侍醫藥帝崩與諸王共定策迎立成宗大德元年拜江南諸道行臺御史大夫改江浙行省平章政事江浙稅糧甲天下平江嘉興湖州三郡當江浙十六七而其地極下水鍾為震澤震澤之注由吳松江入

海歲久江淤塞豪民利之封土為田水道淤塞由是浸淫泛溢敗諸郡禾稼朝廷命行省疏導之發卒數萬人徹里董其役凡四閱月畢工九年召入為中書平章政事十月以疾薨年四十七薨之日家資不滿二百緡人服其廉贈推忠守正佐理功臣太傅開府儀同三司上柱國追封徐國公諡忠肅至治二年加贈武甯王諡正憲子朶兒只江浙行省左丞元史本傳袁遵道字叔正豐人性穎悟至大閒以神童薦初為國學四門館正字歷翰林學士子煥

成野賢豐人為金鄉尹每政暇匹馬一僕循行郊陌勸農課桑刑清事簡民安其業豐縣志

曹伯啟字士開濟甯碭山人弱冠從東平李謙游篤於問學至

元中歷仕爲蘭溪主簿尉獲盜三十械徇諸市伯啟以無左驗未之信俄得眞盜尉以是黜累遷常州路推官豪民黃甲恃財殺人賂佃客誣伏伯啟讞得其情遂坐甲殺人罪遷河南省都事台州路治中御史潘昂霄廉訪使王僕交薦擢拜西臺御史改都事關陝自許衡倡道學教多士伯啟請建祠立學以表其績朝議是之涇陽民誣其尹不法伯啟覈實抵民罪延祐元年陞內臺都事遷刑部侍郎八番帥擅殺起邊釁朝廷已用帥代之矣命伯啟往詰其事次沅州道梗伯啟恐兵往則彼驚將致亂乃遣令史楊鵬單騎往喻新帥備得其情止奏坐前帥擅興罪邊民以安大同宣慰使法忽魯丁撲運嶺北糧歲數萬石肆爲欺罔累贓鉅萬朝廷遣使督徵前後受賂皆反爲之游言最

後伯啟往其人已死喻其子弟曰負官錢雖死必徵與其納賂於人曷若償之於官第條汝父所賂之數官爲徵之諸受賂者皆懼而潛歸賂於其子爲鈔五百餘萬緡民之逋負而無可理者卽列上與免之出爲眞定路總管治尙寬簡民甚安之延祐五年遷司農丞奉旨至江浙議鹽法罷檢校官置六倉於浙東西設運鹽官輸運有期出納有次船戶倉吏盜賣漏失者有罰歸報著爲令尋拜南臺治書侍御史俄去位英宗立召拜山北廉訪使時敕建西山佛宇甚亟御史觀音奴等以歲饑請緩之近臣激怒上聽遂誅言者伯啟劾臺臣緘默使昭代有殺諫臣之名帝爲之悚聽俄拜集賢學士御史臺侍御史有詔同刊定大元通制泰定初引年北歸優游鄉社矜人賢之表所居爲曹人物傳

公里伯啟性莊肅奉身清約在中臺所獎借名士尤多天曆中起伯啟為淮東廉訪使陝西諸道行御史臺中丞使驛敦遣伯啟喟然曰吾年且八十尚忘知止之戒乎終不起一時被命者因相繼去位天下之士高之至順三年長子震亨卒於毘陵伯啟往拊之明年二月卒於毘陵年七十九有詩文十卷號漢泉漫藁續集三卷行世子六人孫十人皆顯仕元史本傳許義夫碭山人為夏邑縣尹每親詣鄉社教民稼穡見民勤謹者出已俸賞之怠惰者罰之三年之閒境內豐足後為封邱縣尹值至正四年大饑盜賊羣起抄掠州縣義夫聞賊至近境乃單馬出郊十里外迎之見賊數百人義夫力言封邱縣小民貧皆已驚惶逃竄幸無八吾境也言辭懇款賊遂他往封邱之民得免於難元史良吏傳

曹甫碭山人博學能文為政多持大體一時朝野多推重之累官陝西諸道行臺御史中丞卒贈魯郡公諡文貞萬曆州志

党宏濟碭山人宋太尉進之裔由薦舉授永城縣尹以廉能稱萬曆州志

劉文質碭山人山薦舉為河南教授嘗建義塾課鄉人鄉人重其德同里曹伯啟尤敬禮之贈以詩見漢泉漫稿萬曆州志

成克敬字簡卿碭山人以學行聞於時與虞集趙孟頫為友由歸德判官轉國子監典籍卒贈朝列大夫追封上谷郡伯明一統志

孔午孔子五十一世孫宋南渡時高祖恩徙居蕭午當金末聚眾約誓捍禦一境元初授徐州觀察副使卒祀鄉賢州志

人物傳

王貴蕭人仕為永固縣尹多治績遷奉議大夫汴梁路總管府  
治中驍騎校尉追封蕭縣子

蕭志

靳良弼字夢臣豐人至元中為甯陽簿首謁文廟遂慨然曰天  
下治本自夫子始本之弗敦欲其枝葉茂得乎遂捐俸重修殿

廡煥然改觀見李惟明碑記

豐縣志

袁煥遵道子少游虞集之門登進士累官國子監祭酒吏部尚  
書中書省參知政事進光祿大夫上柱國太師右丞相贈魯國  
公至正末退居華山之陽號友山居士嘗自贊其像云官高而  
不知其貴道遠而恆自退不時平時而心乎憂世虛靈眾同中  
正獨異惟孜孜于聖學不知老之將至

豐縣志

徐克昌豐縣人初以江西省掾吏陞城武令持己廉正政尚

要考課為諸郡最百姓為立德政碑後任濟州太守累遷太常  
寺禮儀院判今褚莊泰山行宮有元至順庚午克昌碑記文亦

斐然

豐縣志

常能豐縣人至正間登進士任遼陽路學正鄭鼎亦至正間進  
士郭福著至正間任嘉祥縣尹有聲譽曹中登進士任侍郎有  
良田百頃城之西南屬曹氏今子孫尚存李珪至正間任平江  
路治中子思孝任徽州路推官

豐縣志

韓準字公衡浦人少沈重好學年二十登進士第

舊志云延祐五年進士

授承事郎同知孟州事擢河南儒學副提學屢轉至江西南湖  
道僉事南康路總管進本道廉訪使江西行省參知政事江浙  
行省左丞改福建廉訪使復為侍御史準方為別駕時州大饑

人物傳

詞林典故卷之三十一

三

疫出入賑救所乘馬至不忍食豆粟人謂感準化冬時蠅集州署準令民廣藏永明年大熱病者賴服冰以愈在河南有陂田若干頃為水所汎準行部至救有司率民障隄歲收粟數千斛

日及病甚遂不服藥以卒藁葬福州吳海韓文公權厝誌歲辛亥三月二十四日行臺侍御史韓公卒於福州光澤里寓舍五月甲午其子儒奉公柩藁葬於城東之鳳邨送者若千人皆涕泣相弔行道觀者莫不咨嗟以為難得既卒事乃眾相與謀曰嗚呼惟公宿德重望嘉政休烈有不待言而彰紀而垂者惟是假厝於茲不可以弗識也則有眾應曰諾於是公之門人新安鄭桓述公行實以來告郡人吳海請書其墓石按公諱準字公衡先生居勝金源時遷曲阜迨今入世為沛人公生六歲始能言七歲能行沈重好學年二十登進士第授承事郎同知孟州事擢河南儒學副提學調儒林郎德安府推官選太常博士拜監察御史轉奉訓大夫僉河南北道廉訪司事改奉直大夫江西湖南道僉事加中奉大夫南康路總管進中憲大夫本道廉訪副使陞正使授中奉大夫江西行省參知政事徙行臺治書侍御史進資善大夫江浙行省左丞又改福建廉訪使資政大夫後為侍御史公方為別駕時州大饑疫公出入賑救所乘馬至不忍食豆粟或襍草以飼之則兼草不食人謂感公化冬時蠅集州署公令民廣藏永明年大熱病者賴服冰以愈在河南有陂田若干頃為水所汎守令因循不治公行部至救有司率民障隄歲收粟數千斛至辰春蕪黃寇圍江西平章道同出避憲臣從之獨公與右丞萬伯顏謀遣郎中伯顏不花出戰而公慰撫居民大感勵相持五十四日城賴以全南康累經兵火城內荒蕪公舟居以治招人物傳



民復業歸者既眾遂葺草屋為署野豕殘民禾公顯於神豕遂  
去不為害戊戌歲四月陳友諒破隆興城來見公公疾面壁  
臥不起友諒曰吾向為縣小吏已聞公名公不答既去使人致  
糗公拒不受然竟不敢加害壬寅春脫身入閩朝廷嘉公授江  
西省參政江西無治所寓順昌公志在收復扶疾以往迨復為  
侍御史以告老章而冬城陷公藉稿堂下以喪禮自處吏來  
追公宣敕公取枕以卧厲刃向之曰此吾所受於君者必欲取  
之並取吾首去吏不敢追迨新制變冠服由是著帽終日未嘗  
去首圍瓜有苦者輒取嘗之及病甚遂不服藥以終年七十有  
三配李氏繼丁氏累贈南陽郡夫人三子洛安燕安俱早卒為  
後者儒也公考諱或累贈中奉大夫河南北等處行中書省參  
知政事護軍南陽郡公祖諱潤累贈嘉議大夫僉書江浙等處  
行樞密院事上輕車都尉南陽郡侯妣妣王氏祖妣朱氏皆累贈  
南陽郡夫人以公顯公性儉素平居泊如常端坐寡言笑然對  
賓客朋友談論亶亶不倦嘗讀小學書至老萊子詐跌仆地曰  
設有所損豈不反貽憂乎其端如此為文章簡古不事華藻有  
小學書闕疑水利通編藏於家嗚呼士之處平世賢不肖不能  
大相異顯君子若不足小人反若有餘及遇變故然後君子之  
所守凝然不撓而小人顛倒反易凡平日所以夸眾眩世者悉  
喪氣而不存矣福城之陷能蹈死守節者不三四人其叛恩取  
寵者比比然若公可謂純臣矣銘曰行務實不幾以文昌政  
為備不幾以名揚氣直以剛文爾有常遭運之傾其節益彰有

史有作者  
子銘章

錢光弼字仲明彭城人日誦千言未壯辟掾鎮南王府俄以雲

南行省薦授將仕郎同知晉甯州事尋遷太常司直治中再遷

汴梁路總管兼府尹在汴未二年省憲交薦遷平江路總管兼

管內勸農事薨贈兵部尚書追封彭城郡侯銅山志

李漢傑彭城人世將家以門廕入官後至元四年知新喻州廉

敏有才幹以嘗修州學為士林所稱銅山志引

王廓彭城人銅山志張明天歷四年登第官參知政事李亨至正

十一年登第官高唐知州蕭人蕭縣志王賢舉官濟甯路總管豐

人豐縣志言僧朱禴沛人沛縣學宮至正劉清官松江知府征賊

有功賜蟒玉朱永祚官平陽知府睢甯人睢甯縣志凡八人皆元進

人物傳

士事蹟俱無攷

明朱守仁字元夫徐人元末兵起應州辟累破羣盜歷官樞密同知守舒城明兵下廬州舉城附授中書斷事出知袁州撫安創殘民甚德之洪武三年徵爲工部侍郎四年拜尙書奉命察山東官吏歸奏稱旨尋改北平行省參政以饋餉不繼謫蒼梧知縣進知容州高唐州皆有善政十年進四川布政使治尙簡嚴以疾致仕雲南平改威楚開南等路宣撫司爲楚雄府起守仁知府事招集流移均徭役建學校興人才居九年境內大治拜太僕卿首請立草場於江北等處牧放馬匹馬政之修自守仁始久之致仕永樂初入朝遇疾卒

明史稿本傳

趙庭蘭徐州人洪武中知漢陽縣愛民任事朝廷嘗遣使徵陳

氏散卒他縣多以民丁應庭蘭言縣獨無有漢陽人言郡守則

稱蘇恭讓言縣令則稱庭蘭云

明史稿王觀傳

朱芾字大芾徐州人洪武中官戶科給事中改御史性剛直糾劾無所避以言事忤旨謫戍雲南行次九江卒任肅字伯雝工部主事進郎中以營繕宮殿成遷南昌知府多惠政秩滿乞畱命增秩還任尋擢雲南左參政

舊志江南通志

山雲徐州人父青從太祖爲燕山左衛百戶永樂初以靖難功累官中軍都督僉事雲貌魁梧多智略襲金吾左衛指揮使數從出塞先登却敵仁宗立擢行在都督僉事宣德二年佩征蠻將軍印充總兵官出鎮廣西時柳慶蠻韋朝烈等糾合猺獞爲邊患雲至率眾討朝烈破之分遣將平定諸蠻先後大戰十餘

人物傳

同治徐州府志卷第三十三

三

多所斬獲自是獐獍屏跡居民安堵論功進都督同知璽書褒  
勞雲謀勇鷲發而端潔不苟取公賞罰嚴號令與士卒同甘苦  
臨機應變戰無不捷所至咨里老撫善良人皆愛之英宗即位  
進右都督正統三年卒贈懷遠伯諡襄毅長子俊當襲爵讓其  
弟泉世為府軍前衛指揮使廣西人思雲不置肖貌祀之明史本傳  
馬榮徐州人由永清衛鎮撫從燕兵轉戰積功至都督僉事從  
征本雅失里領左翼進右都督永樂八年卒追封景成伯諡壯

威節

王弼徐州人永樂中官良鄉知縣縣當要衝事辦而民不擾踰  
七旬當代去民懇留之益勤政不怠歲旱躬禱即得雨蝗入境  
為羣鳥食盡遷戶部主事明一統志

馬蕙字彥芳其先崑山人曾祖良為徐州衛知事遂占籍於徐  
蕙遂於學舉鄉試歷曹縣上蔡教諭汝甯教授所至敦重行誼  
教有成效卒官子噉字廷震舉人初知潞州居官平恕宗藩信  
服無撓法者均徭賦興學校以治最遷南京戶部員外郎進郎  
中卒孫湘字宗海江字宗岷皆篤學湘由舉人官慶陽通判江  
由貢生歷光山訓導南陽教諭興禮勸俗以古道教人江南通志  
沙傑字彥英徐州舉人官沂州學正遷西安教授以操行見稱  
子立進士歷官廣西按察僉事性剛介忤劉瑾罷歸傑從子元  
以貢授濟陽訓導亦有狷節立子孟升孟升子國禎皆歲貢國  
禎官興化訓導世以清德著聞又有魏巒字學古永樂時以舉  
人官華州學正剛敏果斷施教有方舊志銅山縣志

人物傳

徐州府志卷之三十一

三

張估字習之徐州人進士除鄞縣知縣性剛敏治獄有聲遷南

京刑部主事疑獄久不決估一訊即定其他多所平反遷浙江

按察僉事勢豪相戒勿犯尋為忌者所中罷歸陳汝麟字仁夫

徐州人進士官長葛知縣歷虞衡樞蕪湖關以清操著治通惠

河以勞擢杭嚴兵備排抑中使為所中罷歸江南通志舊志銅山縣志

劉經字引之徐州舉人授武義知縣治最遷濟甯知州劉瑾擅

權遣人索金不予遂免官瑾敗或勸自白竟安退以終又有吳

希哲字宗輝以貢為甯化知縣多善政劉珩字廷佩以舉人官

成安知縣歲旱為民禱雨輒應民以為善政所感江南通志舊志銅山縣志

馬津字宗孔徐州人進士除餘干知縣宸濠反從王守仁征討

有功擢御史抗疏敢言遷大理寺丞出為福建提學副使律學

端整訓士有方以疾歸家居究心理學嘗著克復篇舊志銅山縣志

孫順字以敬徐州人由國子生為河南彰德同知有惠政遷貴

州銅仁知府莅政公平夷民信服孫珩字邦玉進士歷官廣東

左參議亦有聲於時又有陸進階字升甫舉人官河間府通判

督餉密雲廉介有守朱善字伯元國子生官衢州通判朱志字

敏學國子生官刑部主事遷南京戶部員外皆以鯁介清謹著

聲居鄉人稱長者舊志銅山縣志

蔣輪字孟載徐州人世宗入紹大統推恩外氏以后考數無嗣

命輪為其後授錦衣衛指揮僉事封玉田伯加號推誠宣忠翊

連武臣特進榮祿大夫柱國太子太保祿千石由數而上至曾

祖明善皆贈如爵又昇之誥券世襲卒贈太保諡曰榮僖大學

人物傳

徐州府志卷之三十一

士費宏為撰墓誌銘稱其天性孝友寡言笑重然諾初在藩邸以謹厚見稱于帝嘗戒其子榮華暨羣從輩曰吾等藉世德乃能至此可不思養以之福耶故其家以循禮聞榮襲伯爵華顯

陵奉祀授都督職銜詔永蠲原籍戶役

銅山志

張鶴鳴字孚字徐州人進士授山陰知縣值張居正度田民苦

浮稅鶴鳴履畝清釐邑人德之擢御史祀鄉賢

江南通志舊志

楊守謙字允亨徐州人父志學官大同甯夏巡撫邊人愛之累

遷刑部尚書卒諡康惠守謙以進士授屯田主事改職方歷郎

中練習兵計出為陝西副使督學政有聲擢右僉都御史巡撫

山西大興營用移撫延綏進副都御史巡撫保定兼督紫荆諸

關未幾俺答入寇守謙率師倍道入援進兵部右侍郎同仇鸞

提督內外諸軍事時鸞觀望尚書丁汝夔又戒勿輕戰遂坐失

軍機死邊陲聞之無不流涕守謙坦易無城府馭下多恩意守

官廉位至開府蕭然若寒士以性遲重竟得罪隆慶初贈兵部

尚書諡恪愍

明史本傳

萬崇德字惺新徐州人進士授臨海知縣擢御史出按河東鹽

池提督遼餉所至著聲績

銅山志

周中立字近溪徐州人廩生性耿直呂洪部郎雷某謁聖廟失

儀中立面斥之為所中傷隱居礪學二十餘年學使者廉知復

貢追給所歷廩資立終不受自號三明居士

銅山志

舒經字正夫徐州人嘉靖癸未第進士以疾未及廷對卒經少

而好學孝友敦篤識者惜之

銅山志

人物傳

同治徐州府志卷第三十三

陳璽孫成西甯皆徐州人璽先世任府軍前衛正千戶至璽復以勞累升本衛指揮僉事錦衣指揮成官至浙江都司都指揮使甯官金山衛指揮使擢都指揮僉事守備汀漳等處皆能廉勤練達勳衛中之可稱者也

嘉靖志

李向陽字孝乾徐州舉人性純孝忘情仕宦乙丑會試却逆璫交幾罹禍後渡江旅食金山歸而躬耕自給足不及市廛與里人萬壽祺朝夕倡和稱莫逆當路累薦不就孫蟠見文學傳舊志萬壽祺字年少御史崇德子由選貢中鄉試五上公車不第甲申後避地吳中當事欲授以吳江令不就復渡江築室袁浦自號沙門慧壽或曰明志道人其學博極羣書深明歷法旁通禪理吟咏無虛日書畫皆精絕又有楊妍徐諸生甲申三月間變

以家財募兵江淮督師史可法辟置幕府授歸德屯田推官

國初隱居不仕

舊志以上銅山

薛顯蕭人元末趙均用據徐州以顯爲元帥守泗州均用死以泗州來降授指揮從大都督朱文正守南昌陳友諒來攻顯固守有功擢江西行省參政從徐達等收淮東遂伐張士誠與常遇春攻湖州別將游軍取德清攻昇山寨士誠遣其五太子盛兵來援遇春與戰小卻顯奮擊敗之五太子及朱暹呂珍等以舊館降遇春謂顯曰今日之戰將軍功遇春弗如也吳平進行省右丞命從大將軍徐達取中原瀕行太祖諭諸將謂薛顯傳友德勇冠三軍可當一面進克山東還收河南遂率馬步舟師克元都進征山西八關中敗擴廓於甯夏復與徐達會師克平

人物傳

同治徐州府志卷之三十三

七

涼破慶陽斬張良臣退賀宗哲於六盤山逐擴廓於塞外洪武三年封永城侯以擅殺謫居海南踰年召還予世券復從征漠北二十年征降納哈出還次山海關以疾薨贈永國公諡桓襄無子弟綱幼二十三年追坐胡黨爵除

明史本傳

王真蕭人元季爲淮安軍將吳元年從克平江爲和陽衛正千戶從征中原下益都濟南諸路從平河南山陝皆有功洪武三年以取泗州功陞衡州衛指揮僉事歷調常德金齒五開諸衛進指揮同知世襲後又調泰州衛真少壯從征歷官數十年能無過愆

蕭縣志舊志

孟驥字尙德蕭人洪武初以薦授驛丞遷漢陽府推官有忠直廉幹之才累官貴州左布政多惠政秩滿乞畱成祖詔增秩遷

任後致仕歸卒祀鄉賢其時邑人以懷才抱德薦者歐陽股郝

鏜股授戶部主事鏜歷甘泉井陘知縣遷嘉興通判所至多惠

澤股弟耳以賢良方正薦授貴池縣丞

江南通志舊志

楊銳字進之蕭縣人嗣世職爲南京羽林前衛指揮正德初以才推掌龍江右衛事督造漕舟於淮安甯王宸濠有異謀王瓊以安慶居要害宜置戍乃進銳署都指揮僉事守備其地銳治戰艦日督士肄水戰十四年六月宸濠反焚彭澤湖口望江奄至安慶城下銳與知府張文錦等晝夜拒戰多所殺傷七月賊悉兵至號十萬舳艫相銜六十餘里宸濠身自督戰攻圍益急銳等盡力捍禦又募死士夜劫賊營宸濠慚憤會聞伍文定等破南昌遂解去旬有八日而圍解事聞武宗大喜擢銳參將分

人物傳

詞台徐州府志卷之三十一

同治徐州府志卷之三十一  
守安徽池太甯國及九江饒黃銳薦鄭岳胡世甯帝卽召用世  
宗立論功擢都督僉事蔭子世千戶再遷僉書左府改南京右  
府充總兵官鎮遼東改督漕運鎮淮安嘉靖十年爲巡按御史  
李循義劾罷踰年卒

明史本傳

劉儼字若思洪武中知慈利縣廉惠並著好學明經義邑令郝  
玘爲建易安書院聚徒講授蕭士悉宗之李鏡字廷器正統中  
以歲貢生爲温州同知海寇騷掠鉞購獲其魁置之法脅從招  
撫復業以功增秩歷知開封鞏昌知府所在有惠政丁仁字汝  
愛例貢授隰州判官雲索三村人謀作亂仁單騎往諭之眾咸  
服悲泣請命遷隆平知縣邊警守紫荆關有功吳作哲字穎思  
貢生官騰越知州累遷玉環同知萊州知府歷知杭溫台三府

潔已率屬輿論翕然朱光裕歲貢生由海鹽丞轉福建都司斷  
事居官五載自辦粟蔬供炊爨歸時圖書一囊而已孫諱字嗣  
甫成化中歲貢官吏部司務遷工部員外郎在官二十五年致  
政歸恆躬驅驢負薪山澤閒惡衣糲食終其身云皆蕭人儼諱  
皆祀鄉賢

江南通志  
舊志蕭志

王業字子修嘉靖閒以舉人授永平知縣蕭志作永清合政尙平恕而  
能遏抑豪右擢御史權貴憚之賈復純家貧負笈游學梁碭閒  
以貢試禮部第一授通城知縣爲政嚴明有神君稱張皓朱自  
新徐茂皆歲貢生皓官元氏知縣加意學校以培養人才爲務  
自新官象山知縣政化大行以循良薦茂官齊東知縣多惠政  
又有張浙由例貢授永康簿廉介能恤民祀永康名宦王紳字

人物傳

同治徐州府志卷之三十一



靜庵由例貢官日照簿廉能有聲擢黃梅丞補德清丞署縣事  
劉性字子善由選貢判涿州事性剛方不附勢焰莅任甫十月  
棄官歸縱垠字澗野勤學遂於易以歲貢知棲霞縣恤民愛士  
不避權貴皆蕭人江南通志舊志蕭縣志

朱信宣德間以舉人為浦江訓導遷在平教諭常捐俸以濟諸  
生貧者孫傳要字肩一官上杭教諭時鹽賊圍城傳要率邑人  
登陴堅守指揮皆有方略城賴以安終温州教諭王明謨字念  
岡以歲貢官清河訓導歲載麥數舫至淮士之貧乏者周之朱  
玳由歲貢授莒州訓導歷遷趙州學正保甯教授純樸清修見  
者欽服孫傳聲以歲貢任鹽城訓導遷太平教諭孟養心以歲  
貢官貴池訓導孟知性以貢官温州訓導漳平教授皆有節概

士林頌之皆蕭人舊志蕭縣志

王國輔字封麓家貧好學工詩善書畫以歲貢官鄱陵知縣饒  
有政績剛介不附權勢縱慎言字廷颺由諸生入太學選浙江  
鹽運司經歷治事有方歸田後輕財好義卓行爲人所稱蕭人

蕭縣志

王珪字允美蕭人性廉介家貧舌耕以養妻陳歸甯陳翁老病  
無子出千金分給諸女珪妻得金三百以授珪珪瞿然曰此外  
家物不應得遂偕妻齋還陳翁病篤不能言卽以原金付翁姪  
孫忠愛絲毫不染云蕭縣志

吳存忠字敬生蕭人襲京衛指揮崇禎末土寇起蕭據東南諸  
山爲穴鳳撫朱大典屬存忠招撫存忠單騎入賊壘開示禍福

人物傳

降數千人明亡隱居不仕

蕭縣志

王尚貴家本世族不慕榮利屢舉鄉飲賓不就縱伯字德長諸生晚歲結廬明山之南躬耕隴畝壽百有二歲有司旌其門王樂字同野官鴻臚序班棄職歸以詩酒自娛郭京諸生晚棄去優游林泉邑令聞其名躬造之避不得見徐樞字仰湖築別墅於仙臺之麓依山為屋石磴層級嘯傲其中怡然自樂王文建字前湖官福州府知事謝去以林泉自娛王恆字子常弱冠妻楊氏卒遂不更娶雅好山水棲遲聖泉寺十餘年王道興字燮明築圃錦川之澣徐騰鯤字振溪歲貢生卜居鶴山之麓郭君召字應吾以歲貢考授府判不就杜思遜字薦元以歲貢赴京謁選不匝月即歸歐陽統文字如六吳存節字石卿皆諸生何

湖字冲字祖從禹字濬川以上諸人皆屏絕塵囂不膺世網隱

君子也又有葛嵩茂字茂如明季歲貢生工古文詞鼎革後隱

居方山不履城市者二十餘年云皆蕭人

蕭縣志

寇自伸蕭人少以豪俠自喜有聲江淮間嘗應童試旋舍去以

匿亡命繫獄未幾得釋闖賊掠徐境聞其名縛而致之欲以為

前鋒自伸大恚曰吾家世文學恨不得當報國乃降賊耶以酒

飲賊守者至醉皆刃之逃歸州守以其自賊來疑之復置之獄

久不脫竟以瘐死

陳名夏蕭縣寇五傳子往來於徐沛間則知蕭縣有寇生某云蘇州沈山人孟有口辯善

摹畫人笑語如古優孟數為予言寇生之奇及予願交寇生而

已不幸罹禍以死悲夫寇生行第五伯兄尊生有聲江淮間嘉

定婁子柔有詩稱焉家故饒能致客尊生既死無子家人產皆

歸寇生則益大喜任俠振人急出於天性又能讀書讀已擊

劍自豪又喜飲飲輒醉醉已逢所不足輒諒讓若素所莊敬則

父事兄事抑抑能自下多不可及者春夏生率閉戶不出架上

人物傳

同治徐州府志卷第三十五之中

圖書數千卷標識成誦二麥登歲得千金秋冬之交生輒出游  
遇人窮乏輒出囊金與之嘗解衣行市中故人無衣輒解衣或  
至裸體生又好吟詩喜書詩成覓側理投贈游倦必至垂囊句  
貨然後歸里門江浙老儒走餽口於齊魯之鄉皆館于生家或  
至數歲不厭生嘗一應童子試州守大奇其文將置館第一生即  
索原卷曰予於制義無不能此以文自娛耳局趣效轅下駒無  
以為也且與人爭名非所好願袖而出州守大笑如其言生嘗  
借諸賓客馳馬芒碭山中奴子挾腋被短衣執壺榼以從生嘗  
踞呼嘯仰視浮雲不可一世樵者見之辟易而去生又好擊刺  
或多集無賴少年博塞為娛性素剛不能受人色小不如意輒  
思報之舍旁富人訴者道府遂案責客生又匿客令不對簿有司怒  
火其居富人訴者道府遂案責客生又匿客令不對簿有司怒  
生所為武斷匿客無三尺法遂併治之逮係州獄其後多生義  
氣者令責保狀歸其家會李賊破歸亳諸郡掠徐方聞生名令  
卒縛而生致之將以為前鋒生大恚曰吾家世文學恨不得當  
以報國家乃以反為賊用耶行山徑酒滯諸賊皆刃之乃逃而  
歸詣州守請復入獄然州守不能知生義聽之且諸客請百其身贖  
者久不脫而生病瘵死矣悲夫生就治之日諸客請百其身贖  
及死則又流涕不能止生既死而徐沛之間亦無有能養客者  
陳子曰予不識生何狀然聞之沈山人云豈非古之義士哉方  
其馳馬芒碭賓從如雲揮金縱酒意氣自得何其壯也而卒以  
喜俠并罔不獲蒙肯至其脫賊之脅從而俯身就法可謂志操

子然矣當世有氣力者不引之以為友而反擠之至死雖有文  
采不克表見予未嘗不為生涕泗也生既死矣山人言生如見  
其人生又幸得一山人也生養客其傳  
以客有以夫寇五名自伸以上蕭縣

傅友德其先宿州人後徙碭山元末從李喜入蜀喜敗從明玉

珍玉珍不能用走武昌從陳友諒無所知名太祖攻江州至小

孤山友德率所部降帝與語奇之用為將從常遇春援安豐略

廬州還從戰鄱陽湖輕舟挫友諒前鋒被創戰益力從征武昌

城東南高冠山下瞰城中為漢兵所據友德一鼓奪之流矢中

頰洞脅不為沮武昌平授雄武衛指揮使從徐達拔廬州別將

克彝陵衡州襄陽攻安陸被九創從大軍下淮東破張士誠援

兵於馬騾港獲戰艘千復大破元將竹貞於安豐同陸聚守徐

州召還進江淮行省參知政事撤御前麾蓋鼓吹送歸第明年

人物傳 詞台餘州府志卷第三十三

同治徐州府志卷第三十二  
從大將軍北征破沂州下青州遂取萊陽東昌從定汴洛收諸  
山寨渡河取衛輝彰德取德州滄州既克元都還下保定真定  
從攻山西克太原擴廓自保安來援前騎突至友德以五十騎  
衝卻之復敗賀宗哲於石州敗脫列伯於宣府遂西會大將軍  
圍慶陽以偏師駐靈州過其援兵遂克慶陽還賜白金文綺洪  
武三年從大將軍擣定西大破擴廓移兵伐蜀領前鋒出一百  
八渡奪略陽關遂入沔分兵自連雲棧合攻漢中克之論功授  
開國輔運推誠宣力武臣榮祿大夫柱國同知大都督府事封  
穎明侯予世券充征虜前將軍與征西將軍湯和分道伐蜀以  
步騎出秦隴抵階州敗蜀將丁世珍克其城破五里關拔文州  
渡白水江趨縣州遂拔漢州進圍成都成都平分兵徇州邑未

下者克保甯執吳友仁送京師蜀地悉定於是太祖製平西蜀  
文盛稱友德功爲第一廖永忠次之師還授上賞五年副征西  
將軍馮勝征沙漠敗失刺罕於西涼至永昌敗太尉朶兒只巴  
略甘肅射殺平章不花降太尉鎖納兒等至瓜沙州獲金銀印  
及雜畜二萬而還是時師出三道獨友德全勝明年復出雁門  
爲前鋒獲平章鄧孛羅帖木兒還鎮北平五年召還九年破禽  
伯顏帖木兒於延安降其衆十四年副大將軍達出塞討乃兒  
不花渡北黃河襲灰山斬獲甚衆其年秋充征南將軍帥左副  
將軍藍玉右副將軍沐英將步騎三十萬征雲南元梁王走死  
水西諸部皆降十七年論功進封穎國公予世券十九年帥師  
討平雲南蠻二十年副大將軍馮勝征納哈出於金山二十一

年東川蠻叛復爲征南將軍帥師討平之移兵討越州叛酋阿  
賁明年破之於普安二十三年從晉王燕王征沙漠禽乃兒不  
花還駐開平明年爲征虜將軍備邊北平復從燕王征哈者舍  
利追元遼王軍甫行遠令班師敵不設備因潛師深入至黑嶺  
大破敵眾而還再出練兵山陝總屯田事加太子太師尋遣還  
鄉友德啞啞跳盪身冒百死自偏裨至大將每戰必先士卒雖  
被創戰益力以效死至立功帝屢敕獎勞未幾賜死嘉靖元年  
雲南巡撫都御何孟春請立祠祀友德詔可名曰報功明史本傳  
劉益碭山人元末爲遼陽行省參政順帝北走益屯益州保金  
復等州洪武初遣斷事黃儔齎詔諭益益籍所部兵馬錢糧興  
地之數來歸乃立遼陽指揮使司以益爲指揮同知未幾元平

章洪保保馬彥翬合謀殺益帝遣都指揮馬雲諭祭仍歸其喪

碭山明史葉旺傳

張宏碭山人天性孝友勤於問學永樂中由國子生爲開封府  
同知遷戶部郎中律已廉潔苞苴未嘗一至其門出知荊州府

政務旣平所守益勵門絕私謁人號閉戶張明一統志

陳敬碭山人有武略永樂中以戰功官至中軍都督僉事出鎮

山海永平法令嚴明軍民懷服明一統志

朱安洪武時以貢生任監察御史風裁峻整張寵宣德初知荊  
州府事持躬廉慎重俊秀禮耆舊政通人和又有盧生者以貢

生言事忤旨謫充營州中屯衛軍其孫瑟習武積功至總鎮皆

碭人姜州志湖廣通志

人物傳  
同治餘州府志卷第...  
庚

李穩字邦泰號松風碭山人少貧攻苦力學正德庚午第進士任仁和知縣鋤強扶弱吏民懷畏擢山西道御史彈劾不避權要時有守皇莊者國戚也爲虐於鄉民苦之里中一井在守莊者居守莊者禁男子不得汲汲須婦人一時少艾多被污穩廉得其狀欲擒之適有告守莊者佔民田及無辜杖殺人事穩乃密遣人以計致之及至驕甚穩厲聲曰吾監察使將爲朝廷盡此職肯枉法乎卽出所告事詰問其人愕然不能對乃立斃之始上疏請罪朝廷聞之怒下穩於埋士民號泣不能捨穩慨然曰害已除吾死無憾也呂柟等疏救乃免歸里後家益貧住草庵顏曰松風歌嘯其中嘉靖初詔起浙江按察司僉事聲望屹然尋乞終養歸未幾銓部以賢能徵竟不起終於家明末流賊

過穩墓猶相戒無壞李公墳云河南通志 參家傳

段溫洪武初舉賢良方正奉命督漕湖廣性慈愛不忍苛責以後期謫瑞安梅頭巡檢勦洞蠻有功遷徐聞尉不就紀義歲貢官仁和丞聲績懋著段光廷國子生官西安簿介不苟取遭母喪歸行李不給邑人作詩頌之曰思段謫李恂景泰時貢生任滄州判官任滿吏民乞留遷同知復任九年趙珣貢生任樂清丞廉能甚著豪黠潛踪蔣承業萬厯中貢生官易州判官有古廉吏風節汪止善歲貢生官粵東四會知縣亂定之後餘匪嘯聚逼城止善親入賊營撫諭解散邑賴以安皆碭人萬厯時碭志 姜州志許汝礪貢生歷沭陽靈璧高堂金山衛教官汪夏貢生歷虞城西華亳州紹興府教官劉士嘉字星樓貢生冠縣教諭皆能端

人物傳 司台餘州府志卷第廿五

正廉潔訓士有方夏祀紹興名宦士嘉嘗署冠邑篆吏夜持金為賂士嘉斥之卒置之法皆礪山人姜州志

張倫趙紳皆礪山歲貢倫官項城教諭僚友有夫婦偕卒於任者無子遺二女遠弗克歸倫為治具營葬復捐貲嫁其二女紳

嘉靖中為濟源訓導廉謹不苟取在官常徒行或策一蹇從同官後時詔下河南祭濟瀆慎選清白官主祠事紳被首推云江南通志

通志舊志

秦英字子美豐人通經術洪武中知縣曹仲篋薦賢良方正累徵不就其時邑人以明經薦者陳明善王正正木山陰人隨父賢占籍於豐

人材薦者唐楸以懷材抱德薦者正子疇明善累官濟南知府正授翰林孔目升瀘州知州加四品俸卒祀名宦楸官太原通

判權金華同知疇官定興主簿疇弟度亦以薦官刑部主事改河閒通判薦正者為朱濂云舊志

趙恕荆貴皆洪武中太學生恕官都察院照磨擢山西道御史有丰采貴官光祿丞擢戶部主事以好學稱豐人豐縣志

王獻字廷可永樂乙酉舉人官南京兵馬司指揮持正不阿有禁軍盜劫戚里財物獻緝獲法司欲原之獻抗章置於法祀名

宦李秉中字德夫成化己丑進士官南京戶部主事居官勤幹

豐人舊志豐縣志按豐志有二李秉中

李實正統中進士任滑縣知縣祀名宦裴紀字克振宏治辛卯舉人任濟南鈞州同知教孝弟勸農桑息爭訟去後郡人思之

屈伸字前溪貢生任樂陵縣丞好學不勸孫清字守廉歲貢任

人物傳

詞台餘州府志卷第三十五

烏程龍泉主簿清子宸字時觀歲貢任德興主簿俱有惠政楊  
名字晦夫萬曆壬辰選貢任歸德府通判攝篆睢州以不徇要  
人請託中傷拂衣歸朱明經字泗源太學生官霸州主簿持己  
廉靜莅苒屏跡王廷獻字襄明貢生任蘄州同知有政聲擢知  
麗江府除肉刑免行戶供應民感之爲建生祠崔輔政字柳亭  
選貢任輝縣丞廉潔有才幹李嘉禎字福我由諸生入太學官  
廣東興甯主簿會朝覲有巨姓陷疑獄刑部官欲得嘉禎一言  
其人以千金爲謝嘉禎峻拒之而陰爲雪其枉擢安東衛經歷  
皆豐人

豐縣志

李俊豐人戍貢知光化縣徙靜海有夙猾欲覘其能否故來謁  
俊廉得以鐵索繫至縣杖殺之由是豪猾屏迹邑濱海以漁爲

業不知讀書俊多方化誘漸向學母喪歸吏人檢舍中止俸米  
數升而已胡甯官涪州知州後又知葭州勸農興學稱賢牧李  
瓊字元貴歲貢官歸安縣丞有善政民呼青天甯母卒廬墓三  
年祀名宦並祀鄉賢又有宗參號果齋歲貢官江西萬安丞以

廉潔稱

豐縣志

史全字德備豐縣人宏治時歲貢任濬縣丞綜馬政先時馬不  
及額民坐追補困全至慨然曰養馬在民民困馬何由息悉遣  
歸田里盡力生業期年馬乃大蕃全孫芬字困學萬曆時歲貢  
任壽州訓導沭陽教諭正己率人品學爲時所重芬子可傳字  
宗哲選貢任遂昌知縣有政聲年七十告歸教子弟以恭敬孝  
讓與人尺牘必楷三爵益恭時以爲有萬石家風云

豐縣志

人物傳

胡台餘州府志卷第三十三

三



子聰祖海父興見忠節傳興死時聰方九歲聞訃哀慟如成人  
既長奉母吳盡孝襲職副千戶洪熙初領屯田蓄水灌田至今  
利之宣德中督運草儲以勤慎著正統時授武略將軍居鄉善  
治生累積鉅萬盡以散諸貧乏者刑部主事李太左遷衛經歷  
病死聰為還其喪歛諸生江某與聰子明友善既死而貧聰以  
孫女妻其子其篤行誼類如此年八十二卒子明習韜略尤勤  
於學問少保肅愍公子冕無嗣奉朝命以明子允忠為肅愍公  
之後豐縣志

蔡彳官開化訓導升泗水教諭祀鄉賢史闕疑字養虛官武昌  
教諭權邑篆董冕字伯池歲貢官涉縣訓導王尙志由貢任常  
州府訓導升定陶教諭鳳陽教授孫祉遠字鍾台歲貢官慶元

訓導馬遜伯字肖龍歲貢官懷甯訓導王洪業字鍾岳歲貢官  
宿州學正曹可教歲貢任巢縣訓導李春光字明麓以貢任教  
官俱能敦品勵學為士楷模皆豐人豐縣志

常傑歲貢性廉介讀書不仕屢空宴如程士選歲貢隱居研學  
皆有稱於時皆豐人豐縣志

劉應元劉勛豐人澹泊無外慕邑令造請皆不就應元負郭隙  
地種柿千章築土室居之勛隱居城東人稱東田先生又有徐  
明者足不履城市屢空宴如壽一百七歲舊志

王之光字用賓諸生崇禎末從軍累擢至副總兵入  
國朝隱居不仕董令矩由例貢官鴻臚少卿明鼎革後足不入  
城市劉本灝丁鳳鴻皆諸生明季政亂皆不就試皆豐人豐縣志

人物傳

同治徐州府志卷第三十二

張盛治字德甫諸生豐縣人妖人趙古元之變當事欲多所誅戮邑人洵洵盛治力辨至觸怒卒賴以全由明經選應天學博歷號姑熟教諭皆有名屢攝邑篆多惠政攝溧水時有蔭生擊殺其從兄盛治執之蔭生託所知暮夜餽金怒叱之卒置於法

豐縣志以上豐縣

李榮沛人元末榮爲陸聚部將守徐後與聚同歸明官徐州鎮將賜爵百戶從征中原克沂州濟東復從下河南進爵千戶卒子義嗣見忠節傳義子敬官重慶衛同知

沛縣志

呂甯字安仁洪武中由國子生授戶部主事遷員外郎嘗薦郡人權謹於朝世多其知人蔡桂字子芳舉人官戶部雲南司郎中以廉幹稱蔡楫字汝濟洪武十五年以舉人拜福建道御史

復擢浙江按察司僉事多惠政解縉嘗爲之作節軒記周冕正統中由薦辟孝廉仕至布政司參政潔己愛民不阿權貴皆沛人

沛縣志舊志

王克明沛人景泰六年任湖廣某縣巡檢時秦襄毅紘以御史謫沅陵丞適同候上官秦意不懌克明勸之曰公但始終一節處順以待無以官職爲意秦自是釋然又有蔡倖以貢任樂清縣丞攝知遂昌邑人祠之倖子楠由選貢官絳州州同署州事

有善政

舊志沛縣志

張貞觀字惟誠沛人萬曆時進士除益都知縣擢兵科給事中出閱山西邊務五臺奸人張守清招叵命三千餘人擅開銀礦又締姻潞城新城二王帝納巡按御史言敕守清解散徒黨諭

人物傳

詞治徐州府志卷第三十三

同治後州府志卷之三十一 五  
二王絕姻守清乞輸課於官開礦如故貞觀力爭乃已前巡撫  
沈子木李采菲皆貪子木夤緣爲兵部侍郎貞觀並追劾之子  
木坐貶采菲奪職還進工科右給事中泗州淮水大溢畿畝祖  
陵貞觀往視定分黃道淮之策再遷禮科都給事中三王並封  
制下貞觀率同列力爭潘王瑄堯由郡王進封其諸弟止應爲  
將軍瑄堯爲營得郡王貞觀及禮部尙書羅萬化守故事極諫  
不納時郊廟祭官率遣官代行貞觀力請帝親祀俄秋官復將  
遣官貞觀再諫不報明年正月有詔皇長子出閣講讀而兵部  
請護衛工部奏儀仗禮部進儀注皆留中又止預告奉先殿朝  
謁兩宮他禮皆廢於是貞觀等上疏極諫忤旨除貞觀名中外  
交薦卒不起天啟中贈太常少卿

明史本傳

盧雄字文表沛諸生兵備宋青延課其子有人犯重罪以百金  
餽雄求爲一言峻拒之後以貢官崇仁訓導歷上饒興化教諭  
廉謹爲時所重祀鄉賢又有王守道字子行馬出汧字伯龍皆  
貢生守道官禹城訓導遷廬江教諭出汧官湯陰教諭俱有學  
行以廉介稱云

舊志

張楊字仲芳以明經貢於鄉舊例貢生旗扁俱派里甲楊恐借  
名科斂辭不受著有彙騷集吹騷集

沛縣志

劉永清字練湖恩貢任青浦訓導踰年意有所不屑拂衣竟去  
諸生思之不置龔伯堂字泗侗以貢授南昌訓導恬淡自適讀  
書以躬行爲本皆沛人

沛縣志以上沛縣

倪寬元末收集民兵歸太祖累立戰功官後府都督僉事陳政

人物傳

同治徐州府志卷之三十三  
洪武初從征驍勇過人所向有功遷中府都督皆邳人舊志

楊禮字大節邳州人成化閒任四川仙泉井鹽課司大使公勤

廉幹聲稱一時權知仁壽縣事時木司鹽井口巨石為妖白晝

鬼號人莫敢近禮齋戒誓神寘石公廷依法問決石裂流血其

妖遂滅權威遠縣獲周伯山曹百斤二巨寇寇賄左右求釋禮

立寘左右於法終富順縣丞孫輔官憲副邳州志

湯慶字沂東邳州人有勇略為本衛指揮嘉靖初備倭金山遷

吳松總兵擒海寇黃祥黃良陞南京右軍都督同知賜蟒玉卒

贈光祿大夫上柱國謙退不伐號稱賢將子克寬邳州志

張金字邦貢宏治間由舉人知湖廣鄆縣事政尚寬平民懷其

德以目疾歸鄆父老相率詣後令請移文起居者三祀鄆縣名

宦談好善舉人萬曆時知泗水縣事多善政敬事先賢先賢仲

氏家廟至設好善主配食焉仕至南京戶部郎中邳人語仕績

者至今稱張談邳州志以上邳州

劉榮宿遷人初冒父名江給事燕邸姿貌豐偉驍勇多智略王

深器之授密雲衛百戶從起兵為前鋒屢立戰功徇山東與朱

榮率精騎三千夜襲南軍於滑口擒都指揮唐禮等累授都指

揮僉事戰滹沱河奪浮橋掠館陶曹州大獲還軍備北平敗平

安於平村擊楊文於永平遷都指揮使渡江策功授都督僉事

遷右都督永樂八年從北征師還即軍中進左都督遣鎮遼東

十二年再從北征仍為前鋒斬獲多受上賞復充總兵官鎮遼

東倭數寇海上瀕海郡邑多被害江度形勢請於金線島西北

人物傳  
同治徐州府志卷之三十三

望海堦築城堡設烽候嚴兵待賊十七年六月倭數千人駕三十餘舟至泊馬雄島江依山設伏別遣將斷其歸路以步迎戰佯誘賊入伏礮舉伏起自辰至酉大破賊賊走櫻桃園空堡中江開壁縱之走復分兩路夾擊盡覆之自是倭大創不敢復入遼東封廣甯伯始更名榮踰年卒贈侯諡忠武子安正統十四年充總兵官與郭登鎮大同也先擁英宗抵城下安出見伏哭於前景帝切責之下獄論死會京師戒嚴釋安爲總兵陳東直門寇退進都督同知復伯爵英宗復位子世侯曹欽反安被創加太子少傅成化中卒贈嶧國公諡忠愍

明史本傳

潘洪字裕夫宿遷人父敏景泰中以人才舉爲涇陽縣主簿縣有任俠害鄉里者敏廉得其渠二十餘人捕治之民賴以安洪

舉進士歷吏科給事中兩奉敕冊立藩王卻餽金丙午天變詔內外言得失洪已註籍休沐疏弊政數十條上之出爲邵武知府衛帥楊鏗倚巡按御史呂炯兇橫貪虐洪廉得炯納賄事乃疏炯鏗罪狀上聞抵罪以憂歸後改守青州藩邸中官驕橫洪繩以法奪還所侵民地推陞大理寺少卿以疾卒祀邵武青州名宦

宿遷縣志舊府志

潘臺字伯高宿遷人嘉靖中以歲貢任黃巖訓導轉溫縣教諭擢知延津縣潔已愛民聽訟務以理論之歲饑請賑多所全活

宿遷縣志

蔡鼎鎮字重伯宿遷人天啟四年以恩貢授福建沙縣主簿七年遷四川名山知縣有惠政川南道檄委查建南五衛兵饜悉

人物傳

心釐剔以報厯署榮經縣印州雅州事榮經雅州為西域門戶  
商販銅布茶木之屬例有浮稅鼎鎮減其額商民便之崇禎四

年擢知印州轉楚王府長史謝病歸

宿遷縣志

陸鳳字朝陽宿遷人年十一而孤事祖以孝稱嘉靖中由歲貢

任陳州衛經歷劇賊混天王作亂兵備袁某收衛指揮千百戶

印三十六顆屬鳳調遣鳳迺約部伍儲糧餉申號令修守戰備

并力攻討不四旬而賊就禽以勞擢知濟源縣有政聲

宿遷縣志

陸奮飛字翀霄祖佶見孝友傳天啟六年河臣欲鑿馬陵開運

道奮飛以舉人上書陳其害事得寢未幾舉進士以推官改嘉

興教授上官屬以訟訟者具千金為壽拒不納曰一時之利終

身之悔也累遷戶兵二部郎中上疏陳緩征省刑停工起廢養

士五事又謂諫官劉宗周陳于壯周鏞金鉉諸人宜急起用出

為饒州知府以清惠聞時土寇竊發所至殺掠奮飛開關出老

弱婦女獨留丁壯與守城中有應賊者擒斬之賊不敢東晉分

守九江道參議積勞成疾歸退居白鹿湖之東

舊志宿遷縣志

陸養字桐武宿遷人事親孝年三十妻死不更娶與兩弟同居

五十年無閒言萬厯閒以歲貢授興化訓導諸生有忤縣令意

者請於督學御史將困折之養毅然力爭御史怒養不為屈卒

直其事調清平教授

宿遷縣志

蕭志尹字景任宿遷人崇禎八年由吏員授棗陽主簿流寇圍

城急志尹與知縣金九陞勦力固守募壯士百餘人夜斫賊營

斬首數十級賊眾驚潰遁去城賴以全總督盧象昇薦之未幾

人物傳

同治徐州府志卷之三十三

以勞卒宿遷縣志

蔡鼎臣字重甫以歲貢任六合訓導遷縉雲教諭訓士先品而後文司諫廩生性寬厚敦孝友教授生徒出其門者皆端士皆

宿遷人宿遷縣志

吳明德字完初宿遷人性方介言笑不苟以歲貢任定海知縣勤於撫字屠隆邵輔忠薛三省交章薦之擢遼東通判治馬政績最以疾卒官子隱字澹夫性慷慨急人之難雖千金不吝工

詩宿遷縣志

厯亭野老姓名事迹俱不傳隱君子也祀鄉賢陸履直字維乾諸生隨父官興化與諸名士結文社有聲天啟元年以恩選入太學例授知縣念父老不欲遠離遂絕意仕進杜門謝客鄰里

至不識其面陸述字君遠諸生父卧病述日夜侍藥餌數年不

懈崇禎十七年以歲貢應廷試會京師陷遂歸隱居不仕皆宿

遷人宿遷縣志

張欽睢甯人以騎士從燕王起兵累功至都督僉事卒追封新

泰伯諡剛勇舊志

湯思恭永樂中舉人厯官臨安知府公廉為時所稱高瑁進士官戶部主事督徐州倉廉恪稱最仕至山東僉事忤劉瑾歸王應乾進士厯宰太康棠邑所至有聲仕至大名道參議兼河南按察副使睢舊有驛責民養馬民苦之應乾請改折價人以為便皆睢甯人祀鄉賢舊志睢甯志

仝社嘉靖時由歲貢官湖州府通判正直廉明告歸之日行李

人物傳

蕭然郭深歲貢官山西州同知居官清介周翥歲貢官臨朐縣丞攝縣篆心慈行潔士民愛戴之皆睢甯人

睢甯志以上睢甯

候選訓導崔丹桂校



